

T 4681/7207


89

文獻通考

卷三百五
物異考
卷三百六
物異考
卷三百七
物異考
卷三百八
物異考
卷三百九
物異考

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

卷三百五
之三百九



文獻通考卷之



二百五

鄱陽

馬端臨

貴與

著



春秋桓公八年十月雨雪。周十月。今八月也。未可以雪。劉向以為時夫人有淫齊之行。而桓有妬媚之心。

師古曰媚謂夫妬也。音莫報反。夫人將殺其象見也。師古曰謂桓公。

不覺寤。後與夫人俱如齊而殺死。凡雨陰也。雪又雨之陰也。出非其時。迫近象也。董仲舒以為象夫人專恣。陰氣盛也。

定公元年十月隕霜殺菽菽大豆劉向以為周十月今

八月也陰氣未至君位而殺誅罰不由君出在臣下

之象是時季氏逐昭公公死于外定公立故天見災

僖公二年十月隕霜不殺草為嗣君微失秉事之象

也其後卒在臣下則災為之生矣異故言草災故言

菽重殺穀以其重於殺草也一曰菽草之難殺者也言殺菽

知草皆死也言不殺草知菽亦不死也董仲舒以為

菽草之強者天戒若曰加誅於強臣言菽以微見季

氏之罰也

考王六年六月秦雨雪威烈王四年四月晉大雨

雪

秦始皇初即位尚幼委政太后太后淫於呂不韋及

嫪毐嫪郎到反封毐為長信侯以太原郡為毐國宮

室苑囿自恣政事斷焉故天冬雷以見陽不禁閉以

涉危害舒與迫近之應也始皇既冠毐懼誅作亂始

皇誅之斬首數百級大臣二十人皆車裂以殉夷滅

其宗遷四千餘家於房陵是歲四月寒民有凍死者

數年之間緩急如此寒燠輒應此其效也劉歆以為

大雨雪及未當雨雪而雨雪及大雨雹隕霜殺菽皆

常寒之罰也京房易傳曰有德遭險茲謂逆命厥異

寒誅過深。當燠而寒。盡六日。亦為雹。害正不誅。茲謂養賊。寒七十二日。殺蜚禽。道人始去。有道之人去。茲謂傷其寒物。無霜而死。涌水出。戰不量敵。茲謂辱命。其寒雖雨。物不茂。聞善不予。厥咎龍耳。

漢文帝四年六月。大雨雪。後三年。淮南王長謀反。發覺。遷道死。師古曰。遷於蜀。未至而死。於雍。故曰道死。京房易傳曰。夏雨雪。

戒臣為亂。景帝中六年三月。雨雪。其六月。匈奴入

上郡。取苑馬。吏卒戰死者二千餘人。明年。條侯周亞

夫下獄死。武帝元狩元年十二月。大雨雪。民多凍

死。是歲。淮南衡山王謀反。發覺。皆自殺。使者行郡國

治黨與。師古曰。行音下。更反。坐死者數萬人。元鼎二年三月。

雪平地厚五尺。是歲。御史大夫張湯有罪自殺。丞相

嚴青翟坐與三長史謀陷湯。師古曰。謂朱買臣為丞

守丞相也。青翟自殺。三長史皆棄市。元鼎三年三月。水

冰。四月。雨雪。關東十餘郡人相食。是歲。民不占緡錢。

有告者。以半昇之。言政急也。元光四年四月。隕霜。殺

草木。先是二年。遣五將軍二十萬眾。伏馬邑下。欲襲

單于。單于覺之而去。自是始征伐四夷。師出三十餘

年。天下戶口減半。京房易傳曰。興兵妄誅。茲謂仁法。

厥災霜。夏殺五穀。冬殺麥。誅不原情。茲謂不仁。其霜

夏先大雷風冬先雨乃隕霜有芒角賢聖遭害其霜附木不下地佞人依刑茲謂私賊其霜在草根土隙間不教而誅茲謂虐其霜反在草下元鼎二年三月大雨雪

元帝永光元年三月雨雪隕霜殺桑九月二日隕霜殺稼天下大饑時中書令石顯用事專權與春秋定公時隕霜相應建昭二年十二月齊楚地大雪深五尺是歲京房張博為石顯所譖死四年三月雨雪燕多死是日皇后親蠶疾風自西北大寒雨雪壞敗其功陽朔四年四月雨雪燕雀死後二年許皇

后自殺王莽天鳳元年四月隕霜殺草木三年

二月大雨雪關東尤甚深者一丈竹柏皆枯四年

八月大寒百官人馬有凍死者地皇二年秋隕霜

殺菽後漢光和六年冬大寒北海東來琅邪井中

冰厚尺餘袁山松書曰時羣賊起天下始亂識曰寒者小人暴虐專權居位無道有位造罰無

法入殺無罪其寒必暴殺獻帝初平四年六月寒風如冬時帝

流遷失政右扶風電如斗袁山松書曰電殺人前後

亂

吳孫權嘉禾三年九月朔隕霜傷穀按劉向說誅罰不由君出在臣下之象也時校事呂壹專作威

福與漢元帝時石顯用事隕霜同應 四年七月。雨雹又隕霜 赤烏四年正月大雪平地深三尺。鳥獸死者大半。是年夏全琮等四將軍攻略淮南襄陽戰死者千餘人。其後權以讒邪數責讓陸議議恚致卒。與漢景武大雪同事

晉武帝泰始九年四月隕霜時賈充親黨比周用事。與魯定公漢元帝時隕霜同應。咸寧三年八月平原安平上黨泰山四郡霜害三豆。是月河間暴風寒水郡國五隕霜傷穀。是後征吳及討涼州賊 六月汲郡廣平陳留滎陽雨雹隕霜傷秋麥千三百餘頃

太康元年三月河東高平霜雹傷桑麥 二年三月河東隕霜害桑 五年九月南安大雪折木 六年三月齊郡臨淄等四縣樂安等八縣琅邪等八縣河間等六縣高陽等四縣隕霜傷桑麥 八年四月齊國天水二郡隕霜 九年四月隴西隕霜 十年四月郡國八隕霜 惠帝元康六年三月東海雨雪殺桑麥 七年七月秦雍二州隕霜殺稼 九年三月河南滎陽潁川隕霜傷禾 光熙元年閏八月霰雪。劉向曰盛陽雨水湯熱陰氣脅之則轉而為雹。盛陰雨雪凝滯陽氣薄之則散而為霰。今雪非其時此聽

不聰之應。是年帝崩。明帝太寧三年三月丁丑。雨雪。癸巳。隕霜。咸和九年八月。成都大雪。是歲李雄死。康帝建元元年八月。大雪。時政在將相。陰氣盛也。劉向曰。凡雨陰也。雪又雨之陰也。出非其時。迫近象也。穆帝永和三年八月。冀方大雪。人馬多凍死。十年五月。涼州雪。明年。張祚護軍張瓘廢祚更立玄靚。京房易傳曰。夏雪。戒臣為亂。十一年四月。霜。安帝義熙五年三月己亥。雪深數尺。

梁武帝天監三年三月。並隕霜殺草。京房易傳曰。興兵妄誅。謂丘法。厥罰霜。是時大發卒拒魏。

兵於鍾離。連兵數歲。普通三年三月。大雪。平地三尺。雨陰也。雪又陰。妾不妾。臣不臣之應。時義州刺史文僧朗以州叛于魏。臣不臣之應也。大同三年六月。胸山隕霜。七月。青州雪害苗稼。時交州刺史李賁舉兵反。僭號。擊之不克。十年十二月。大雪。平地二尺。時邵陵王綸。湘王繹。武陵王紀。並權侂人主。頗為驕恣。皇太子甚惡之。帝不能抑損。及侯景之亂。諸王擁強兵。不動。王委棄君父。自相屠滅。國竟以亡。陳宣帝太建十年八月。隕霜殺稻菽。時大興師。眾與周師相拒於呂梁。東魏興和二年五月。大雪。時神武。

文獻通考卷三百五
作宰。發卒十餘萬築鄴城。百姓怨志。武定四年。二月。大雪。人畜凍死。相望於道。時步落稽舉兵反。寇亂數州。人多死亡。又爾朱文暢等謀害神武事。泄伏誅。黨與多濫死。後齊武成河清元年。歲大寒。讖曰。殺無罪。其寒必異。時帝淫於文宣李后。又殺其子。寃酷之應。二年。二月。大雪連月。南北千餘里。平地數尺。繁霜晝下。時突厥可汗與周師入并州。殺掠吏人。不可勝紀。天統二年。大雪。三年。正月。又大雪。平地二尺。武平三年。正月。又大雪。時馮淑妃陸令萱內制朝政。陰氣積盛。故天變屢見。

唐顯慶四年。二月壬子。大雨雪。方春少陽用事而寒氣脅之。古占以為人君刑法暴濫之象。近常寒也。咸亨元年。十月癸酉。大雪。平地三尺。人多凍死。儀鳳三年。五月丙寅。高宗在九成宮。霖雨。大寒。兵衛有凍死者。開耀元年。冬。大寒。久視元年。三月。大雪。神龍元年。三月乙酉。睦州暴寒。且冰。開元二十九年。九月丁卯。大雨雪。大木偃折。大曆四年。六月。伏日寒。

貞元元年。正月戊戌。大風雨寒。丙午。又大風雪寒。民饑多凍死者。十二年。十二月。大雪。甚寒。竹栢柿樹

文獻通考卷三百五
多死。占曰。有德遭險。厥災暴寒。十九年。三月大雪。二十年。二月庚戌。始雷。大雨雹。震電。大雨雪。既雷則不當雪。陰脅陽也。如魯隱公之九年。元和六年。十二月。大寒。八年。十月。東都大寒。霜厚數寸。雀鼠多死。十二年。九月己丑。雨雪。人有凍死者。十五年。八月己卯。同州雨雪。害稼。

長慶元年。二月。海州海水冰。南北二百里。東望無際。大和六年。正月。雨雪踰月。寒甚。九年。十二月。京師苦寒。會昌三年。春寒大雪。江左尤甚。民有凍死者。咸通五年冬。隰石汾等州大雨雪。平地深五尺。景

福二年。二月辛巳。曹州大雪。平地二尺。天復三年。三月。浙西大雪。平地三尺餘。其氣如煙。其味苦。十二月。又大雪。江海冰。天祐元年。九月壬戌朔。大風寒。如仲冬。浙東浙西大雪。吳越地氣常燠。而積雪。近常寒也。

霜。貞觀元年。秋。霜殺稼。京房易傳曰。人君刑罰妄行。則天應之以隕霜。三年。北邊霜殺稼。永徽二年。綏延等州霜殺稼。調露元年。八月。邠慶寧涇原五州霜。證聖元年。六月。睦州隕霜殺草。吳越地燠。而盛夏隕霜。昔所未有。四年。四月。延州霜殺草。四月

純陽用事。象人君當布惠于天下而反隕霜。是無陽也。開元十二年八月。潞綏等州霜殺稼。十五年。天下州十七。霜殺稼。元和二年七月。邠寧等州霜殺稼。九年三月丁卯。隕霜殺桑。十四年四月。淄青隕霜殺惡草及荆棘而不害嘉穀。寶曆元年八月。邠州霜殺稼。大和三年秋。京畿奉先等八縣早霜殺稼。太中三年春。隕霜殺桑。中和元年春。霜。秋。河東早霜殺稼。宋建隆三年春。延寧二州雪盈尺。溝洫復冰。草木不華。丹州雪二尺許。棣州厭次縣隕霜殺桑。民不蠶。

太平興國七年三月。宣州霜雪害桑稼。雍熙七年冬。南康軍大雨雪。江水冰。勝重載。端拱元年閏五月。鄆州風雪傷麥。淳化三年三月。商州霜。花木皆死。九月。京兆府大雪。殺苗稼。四年二月。商州大雪。民多凍死。咸平四年三月丁丑。京師及近畿諸州風雪損桑。景德四年七月。渭州瓦亭寨早霜傷稼。大中祥符九年十一月。大名府澶州相州並霜害稼。天禧元年十二月。京師大雪。苦寒。人多凍死。路有僵尸。遣中使瑾之四郊。二月。正月。永州大雪。六晝夜方止。江溪魚皆凍死。

至和元年正月京師大雪貧弱之民凍死者甚衆
二年河東自春隕霜殺桑嘉祐四年正月自冬雨
雪泥塗盡冰都民饑寒死於道路者甚衆

元祐二年冬京師大雪連月至春不止久陰常寒罷
上元節游幸降德音諸道八年十一月京師大雪
多流民元符二年正月甲辰朔御大慶殿受朝賀
以雪罷政和三年十一月大雨雪連十餘日不止
平地八尺餘冰滑人馬不能行詔許百官乘輜入朝
飛鳥多死七年十二月大雪詔收養內外乞丐老
幼靖康元年閏十一月大雪盈三尺不止天地晦

冥或雪未下時陰雲中有雪絲長數寸墮地二年
正月丁酉大雪大寒甚地冰如鏡行者不能定立是
月乙卯車駕在青城大雪數尺人多死

建炎三年六月久陰霖雨而寒京房謂害正不誅茲
謂養賊後連誅叛將紹興元年二月寒食日雪

七年二月霜殺桑稼十三年三月雪二十八年

三月雨雪三十一年正月戊子大雨雪至己亥逾旬
不止禁旅壘舍有壓者時久雪寒甚乾道元年三

月暴寒苗稼多凍死二年春大雨寒至于三月損

糞麥京房以為聞善不予其寒雖雨物不茂六年

夏五月。大風雨寒。稼多腐敗。淳熙十二年。淮水冰斷流。與唐志長慶海水同。占十二月大雪。至明年正月。或雪或霰。或雹或雨水。或冰。沍尺餘。連日不解。台州雪深丈餘。民凍死。十六年。四月戊子。成州天水縣大雨雪。麥皆凍死。七月。階成鳳西和四州霜殺稼盡。與漢永光夏霜同占。紹熙元年。三月。留寒。至立夏不退。二年。正月。行都大雪積。沍。河水厚尺餘。寒甚。是春雷雪相繼。凍雨彌月。三年。九月丁未。和州隕霜連三日。殺稼。是月。淮西郡國稼皆肅於霜。民大饑。慶元六年。五月。亡暑氣如凜秋。嘉定六年。

六月。亡暑夜寒。與京房當燠而寒同占。

雹

木冰

冰花

劉向以木冰為木不曲直。唐志以冰花為華孽。愚按木不曲直與華孽者。皆花木失其常性而為妖者也。若木冰乃寒脅木而成。冰則妖不在木也。冰花乃冰有異而結花。則妖不在花也。故以與雹同類。而附恒寒之後云。

春秋成公十六年。正月。兩木冰。劉歆以為上陽施不下通。下陰施不上達。故雨而木為之冰。霧氣寒音紛木不曲直也。劉向以為冰者。陰之盛而水滯也。木者少。

陽貴臣卿大夫之象也。此人將有害。則陰氣脅木。木先寒。故得雨而冰也。時叔孫喬如出奔。公子偃誅死。

僂如淫謀作亂出奔 一日。時晉執季孫行父。又執公。

此執辱之異。晉信僂如之諳 或曰。今之長老名水。水

為木介。介者甲申。兵象也。是歲晉有隰陵之戰。楚王

傷目而敗。屬常雨也。釐公二十九年。秋。大雨雹。劉

向以為盛陽。雨水温暖。而湯執。陰氣脅之。不相入。則

轉而為雹。盛陰。雨雪凝滯。而冰寒。陽氣薄之。不相入。

則散而為霰。師古曰霰雨雪 故沸湯之在閉器而湛

於寒泉則為冰。孟康曰投湯器中以沈寒泉 及雪之

銷亦冰解而散。此其驗也。故雹者陰脅陽也。春秋不

書霰者。猶月食也。釐公末年。信用公子遂。遂專權自

恣。將至於殺君。故陰脅陽之象也。釐公不寤。遂終專

權。後二年。殺子赤。立宣公。師古曰公子遂東門襄仲也赤文公大子即惡也

左氏傳曰。聖人在上無雹。雖有不為灾。說曰。凡物不

為灾。不書。書大言為灾也。凡雹皆冬之愆。陽夏之伏

陰也。師古曰愆過也過陽 昭公三年。大雨雹。是時季

氏專權脅君之象。見昭公不寤。後季氏卒。遂昭公

漢武帝元鼎三年。夏。四月。大雨雹。元封三年。十二

月。雷雨雹。大如馬頭。宣帝地節四年。五月。山陽濟

陰雨雹如雞子。深二尺五寸。殺二十餘人。蜚鳥皆死。其十月。大司馬霍禹宗族謀反。霍皇后廢。王莽天鳳元年。七月。雨雹。殺牛羊。

後漢和帝永元五年。六月。郡國三雨雹。大如雞子。春秋

考異郵曰陰氣之專精凝合生雹雹之為言合也

妾為妻大尊重九女之妃聞而不御坐不離前無由相去之心司輿參駟房任之內歡欣之樂專政夫人

施而不傳陰精疑而見滅易識曰凡雹者過由人君惡聞其過抑賢不易內與邪人通取財是時和帝用

利菽賢施之並當雨不雨故反雹下也

酷吏周紆為司隸校尉。刑誅深刻。古今注曰光武建

樂浪政谷雨雹傷稼十二年河南平陽雨雹大如杯

壞敗吏民屋舍十五年十二月乙卯鉅鹿雨雹傷稼

永平三年八月郡國十二雨雹傷稼十年郡國十八

或雨雹蝗易緯曰夏雹者治道煩苛繇後急促教令

安帝永初元年。雨雹。二年。雨雹。大如雞子。三年。雨雹。

大如鴈子。傷稼。劉向以為雹陰脅陽也。是時鄧太后

以陰專陽政。

元初四年。六月。戊辰。郡國三雨雹。大如杆杯及雞子。

殺六畜。古今注曰樂安電天如杆殺人京

延光元年。四月。郡國二十一雨雹。大如雞子。傷稼。是

時安帝信讒。無辜死者。臣昭按尹敏傳是歲河西大

其故對曰此皆陰乘陽之微也今貴臣擅三年。雨雹。大如雞子。占今注曰順帝永建五年郡國

數變無有常法不救為兵強臣謀逆蝗虫傷穀救之舉賢良爵有功務寬大無誅罰則災除

殺六畜房占曰夏雨電天下兵大作

權母后黨盛陛下宜脩聖德慮此二者也

傷秋
稼

桓帝延熹四年五月己卯。京都雨雹大如雞子。是時桓帝誅殺過差。又寵小人。

七年五月己丑。京都雨雹。是時皇后鄧氏僭侈驕恣。專幸。明年廢。以憂死。其家皆誅。

靈帝建寧二年四月。雨雹。四年五月。河東雨雹。

光和四年六月。雨雹大如雞子。是時常侍黃門用權。中平二年四月庚戌。雨雹傷稼。

魏文帝黃初六年正月。雨木冰。是年六月。利成郡兵蔡方等殺太守徐質。據部反。太守古諸侯貴臣有害。

之應也。一說木介甲兵之象。是歲既討蔡方。又帝自將舟師征吳。戊卒十餘萬。連旌數百里。臨江觀兵。是其應也。

孫權嘉禾四年七月。雨雹。又隕霜。劉向說雹者陰脅陽也。時呂壹作威用事。詆毀重臣。自太子登以下。咸患毒之。與春秋公子遂專任雨雹。同應也。十一年四月。雨雹。時權臣聽讒。將危太子。誅罰過深之應也。

晉武帝咸寧五年五月丁亥。鉅鹿魏郡雨雹。傷禾麥。辛卯。鴈門雨雹。傷秋稼。六月庚戌。汲郡廣平陳留滎。

陽雨雹。庚辰。又雨雹。隕霜。傷秋麥千三百餘頃。壞屋百三十餘間。癸亥。安定雨雹。七月景申。魏又雨雹。閏月壬子。新興又雨雹。八月庚子。河南河東弘農又雨雹。兼傷秋稼三豆。

大康元年。三月。河東高平霜雹。傷桑麥。四月。河南河內河東魏郡弘農雨雹。傷麥豆。是月庚午。畿內縣二及東平范縣雨雹。癸酉。畿內縣五又雨雹。五月。東平平陽上黨鴈門濟南雨雹。傷禾麥三豆。是時王濬有大功。而權威互加。陷抑。帝從容不斷。陰脅陽之應也。二年。二月辛酉。隕霜于濟南琅邪。傷麥。壬申。琅邪雨

雹。傷麥。三月甲午。河東隕霜。害桑。五月景戌。城陽章武琅邪傷麥。庚寅。河東樂安東平濟陰弘農濮陽齊國頓丘魏郡河內汲郡上黨雨雹。傷禾稼。六月。郡國十七雨雹。七月。上黨雨雹。三年。十二月大雪。五年。七月乙卯。中山東平雨雹。傷秋稼。甲辰。中山雨雹。六年。六月。滎陽及郡鴈門雨雹。九年。正月。京都大風。雨雹。發屋拔木。惠帝元康二年。八月。沛及蕩陰雨雹。三年。四月。滎陽雨雹。六月。弘農湖城華陰又雨雹。深三尺。時賈后凶淫專恣。與春秋魯桓公夫人同事。陰氣盛也。五年。六月。東海雨雹。深五尺。十二月。

丹陽建鄴雨雹 七年五月魯國雨雹 九年五月
 雨雹 永寧元年七月襄城河南雨雹十月襄城河
 南高平平陽又雨雹折木傷稼 元帝太興二年三
 月丁未成都風雹殺人 三年二月辛未雨木冰後
 二年周顛等遇害是陽施不下通也三月海鹽雨雹
 時王敷陵上 明帝二年四月京都大雨雹燕雀死
 三年四月大雨雹是年帝崩尋有蘇峻之亂 成帝
 咸和六年三月雨雹時帝幼弱政在臣下 咸康三
 年正月皇后見於太廟其夕雨雹 穆帝永和五年
 六月臨漳暴風震電雨雹大如升 八年正月乙巳

雨水冰是年殷浩北伐明年軍敗十年廢黜 海西
 太和三年四月雨雹折木 孝武太元二年四月雨
 雹 十二年四月己丑雨雹 十四年十二月乙巳
 雨水冰明年王恭庾楷殷仲堪居外藩與王國寶等
 構怨終同夷滅 二十五年五月上虞雨雹 二十
 一年四月雨雹是歲帝暴崩 安帝隆安二年三月
 雹 三年四月江陵雨雹是時安帝蒙塵 義熙元
 年四月雨雹 五年五月溧陽雨雹 九月廣陵雨
 雹 六年五月雨雹 八年四月六月皆雨雹 十
 年四月雨雹

石勒時電起西河界山。大如雞子平地三尺。洿哀都反。下文餘。行人禽獸死者萬數。歷太原樂平武鄉趙郡廣平鉅鹿千餘里。樹木摧折。禾稼蕩然。勒正服東堂以問徐光。曰。歷代以來。有斯災幾也。光對曰。周漢魏晉皆有之。雖天地之常事。然明主未始不為變。所以敬天之怒也。去年禁寒食。介推帝鄉之神也。歷代所尊。或者以為未宜替也。一人吁嗟。王道尚為之虧。况群神怨憾而不怒動上帝乎。縱不能令天下同爾。介山左右。晉文之所封也。宜任百姓奉之。勒下書曰。寒食既并州之舊風。朕生其俗。

不能異也。前者外議以子推諸侯之臣。王者不應為忌。故從其議。倘或由之而致斯災乎。子推雖朕鄉之神。非法食者。亦不得亂也。尚書其促檢舊典。定議以聞。有司奏以子推歷代攸尊。請普復寒食。更為植嘉樹立祠堂。給戶奉祀。勒黃門郎韋謏駁曰。按春秋歲冰失道。陰氣發泄為電。自子推已前。電者復何所致。此自陰陽乖錯所為耳。且子推賢者。曷為暴害如此。求之冥趣。必不然矣。今雖有冰室。懼所蔽之冰。不在固陰。沍寒之地。多皆川池之側。氣泄為電也。以子推忠賢。令縣介之間奉之為

允於天下則不通矣。勒從之。於是遷冰室於重陰。凝寒之所。并州復寒。食如初。

宋文帝元嘉十八年三月。雨雹。

梁武帝中大通元年四月。大雨雹。洪範五行傳曰。雹陰脅陽之象。時帝數捨身為奴。拘信佛法。為沙門所制。

陳宣帝太建二年六月。大雨雹。十年四月。又大雨雹。十三年九月。大雨雹。時始興王叔陵驕恣。帝又寵遇之。後卒為亂。

東魏孝靜武定四年冬。天雨木冰。時司徒侯景專制。

河南神武薨。景舉兵反。慕容紹宗討平之。

後齊後主天保元年。雨木冰三日。時清河王岳為高歸彥所譖。憂死。武平元年冬。雨木冰。明年二月。又

雨木冰。時錄尚書事和士開專政。琅邪王儼矯詔殺之。儼尋遇害。六年七月。頻歲雨木冰。其年周師入

晉陽。

唐永徽二年十一月甲申。陰霧凝凍。封樹木數日不解。劉向以為木少陽貴臣象。此人將有害。則陰氣脅木先寒。故得雨而冰。亦謂之樹介。兵象。麟德元年十二月癸酉。紛霧終日不解。甲戌。雨木冰。儀鳳三

年十一月亦如之。延載元年十月癸酉白霧木冰。景龍四年三月雨水冰。開元二十九年十一月雨水冰。寒甚數日不解。永泰元年三月雨水冰。大曆二年十一月紛霧如雪。草木冰。貞元元年十二月雨水冰。二十年冬雨水冰。長慶三年十一月雨水冰。寶曆元年十一月雨水冰。太和七年十月夜霧木冰。開成四年九月雨雪木冰。會昌元年十二月雨水冰。四年正月木冰。景福中滄州城塹中冰。有文如畫。大樹華葉芬敷者。時人以為地當有兵難。近華孽也。

電貞觀四年秋丹延北永等州電。顯慶二年五月滄州大雨電。中人有死者。咸亨元年四月庚午雍州大雨電。二年四月戊子大雨電。震電大風折木落。則天門鷓尾三。先儒以為電者陰脅陽也。又曰。人君惡聞其過。抑賢用邪。則電與雨俱。信讒殺無罪。則電下毀瓦破車殺牛馬。永淳元年五月壬寅定州大雨電。害麥禾及桑。天授二年六月庚戌許州大雨電。

證聖元年二月癸卯滑州大雨電。殺燕雀。神功元年。媯綏二州電。聖曆元年六月甲午曹州大雨電。

文獻通考卷三百五十一
十九
久視元年六月丁亥曹州大雨雹。長安三年八月。京師大雨雹。人畜有凍死者。神龍元年四月壬子。雍州同官縣大雨雹。殺鳥獸。景龍元年四月己巳。曹州大雨雹。二年正月己卯滄州雨雹如雞子。開元八年十二月丁未滑州大雨雹。二十二年五月戊辰京畿渭南等六縣大風雹傷麥。大曆七年五月乙酉雨雹。貞元二年六月丙子大雨雹。十七年二月丁酉雨雹。已亥霜。戊申夜震霆雨雹。庚戌大雨雪而雹。五月戊寅好時縣風雹害麥。十八年七月癸酉大雨雹。元和元年鄜坊等州雹。十年

秋鄜坊等州風雹害稼。十二年夏河南雨雹。中人有死者。十五年三月京畿興平醴泉等縣雹傷麥。長慶四年六月庚寅京師雨雹如彈丸。大和四年鄜坊等州雹。五年夏京畿奉先渭南等縣雨雹。開成二年秋河南雹害稼。四年七月鄭滑等州風雹。五年六月濮州雨雹如拳。殺人三十六。牛馬甚衆。會昌元年秋登州雨雹。文登尤甚。破瓦害稼。四年夏雨雹如彈丸。乾符六年五月丁酉宣授宰臣豆盧瑑崔沆制殿庭氛霧四塞。及百官班賀于政事堂雨雹如鳧卵。大風雷雨拔木。廣明元年四月

甲申朔汝州大風雨拔街衢樹十二三東都有雲起西北大風隨之長夏門內表道古槐樹自拔者十五六宮殿鴟尾皆落雨雹大如杯鳥獸殪於川澤

後晉開運二年正月東京封丘門外壕內冰上有文若大樹華芬敷之狀相連數十株宛如圖畫

漢天福十二年十一月旦日天大昏霧木有冰至十一日霜露着草木皆為冰時魏府杜重威叛討降之至來年正月二十七日高

祖崩

周廣順三年十一月雨木冰

宋建隆元年十月大名府臨清縣雨雹傷稼二年

七月丹州義州雲巖二縣大雨雹三年七月潞州

武鄉等四縣雨雹四年七月海州風雹

乾德二年四月開封府陽武縣雨雹宋州寧陵縣風

雨雹傷民田六月潞州風雹七月同州郃陽縣雨雹

並害稼八月延州膚施縣風雹隕霜三年四月開

封府尉氏扶溝二縣風雹害民田桑棗十損七八六

月曹州濟陰宛句二縣風雹損田六年八月河南

府河清縣雨雹

開寶三年夏同州滑州大風雨雹害稼四年八月

鄆州須城等三縣風雹八年五月邢磁州風雹害

桑麥

太平興國二年六月瀛州景城縣雨雹七月相州永
定縣大風雹害稼 五年四月大名府冠氏縣壽州
安豐縣風雹 七年五月太平州蕪湖縣雨雹傷稼
八年五月相州風雹傷民田

端拱元年五月霸州大雨雹殺麥苗閏五月鄆州雨
雹傷麥

淳化元年六月許州大風雹壞軍營民舍千一百五
十六區單州魚臺縣風雹害稼 至道二年十一月
代州風雹傷田稼

咸平元年九月定州北平等縣風雹傷稼 三年四
月丁巳京師雨雹飛禽有損者 六年四月甲申京
師暴風雨雹如彈丸

大中祥符三年八月丙辰京師雨雹 五年八月丙
辰京師雨雹

天禧元年九月鎮戎軍彭城寨風雹害民田八百餘
戶

天聖八年五月丙辰大雨雹 慶曆元年七月壬午

大雨雹 六年四月甲辰大雨雹 嘉祐四年四月

大震電雨雹

熙寧元年秋。鄜州雨雹。三年七月。七年四月。五月。京師雨雹。八年夏。鄜州涇州雨雹。九年二月。京師雨雹。十年夏。鄜州雨雹。秦州大雨雹。紹聖三年。十月辛未。西南方有雷聲。次大雨雹。四年閏二月癸卯。京師雨雹。自辰至申。建中靖國元年二月丙申。師師雨雹。五月辛酉。京師大雨雹。崇寧三年十月辛丑。大觀元年十月己巳。三年五月戊申。京師大雨雹。政和七年六月。京師大雨雹。皆如拳。或如一升器。幾兩時而止。宣和四年二月癸卯。京師雨雹。靖康

元年十二月己卯。庚辰。京師雨雹。木冰水花。咸平元年十一月庚戌。兩木冰。太中祥符五年正月戊寅。京師兩木冰。景德元年二月。保順軍城壕冰。隱起文為桃李華。雜人物之狀。太中祥符九年正月。霸州渠冰有文如花葩狀。慶曆三年十二月。大雨雪。木冰。占曰。兵象。治平二年十月乙巳。兩木冰。熙寧三年十月。八年正月。京師兩木冰。元祐八年二月。京師大寒。霰雪。兩木冰。宣和五年十月乙酉。兩木冰。靖康元年十月乙卯。兩木冰。二年正月丁酉。兩木冰。建炎三年八月甲

成大雨雹。劉向以為盛陽雨水。濕氣脅之不相入。則轉而為雹。故雹者陰脅陽也。一曰。人君惡聞其過。朋邪為利蔽賢施之。則雹與雨俱。信讒殺無罪。則雹下毀瓦破車殺牛馬。紹興元年。二月壬辰。上在越州。雨雹雷。二年。二月丙子。上在臨安。大雨雹。三年。正月辛未。雨雹震雷。陰氣之專精凝合生雹。陽不禁閉。則非時雷出。陰脅陽象。四年。三月己未。雨雹傷稼。五年。閏二月乙巳朔。雨雹雪。十月丁未。秀州華亭風雷雨雹。激射疾於箭彈。壞舟覆屋。十二月戊辰。又雹。七年。二月癸卯。先一夕雷。後一日

雪。癸丑。又雹。按晉書雷以二月出。陽出發洩。明日便大雪。皆失節之異。又春秋以陰脅陽為臣專權。時秦檜始大用。是其應也。八年。六月丙辰。大雨雹。九年。二月甲戌。雹傷麥。十二月辛未。又雹。十年。二月辛亥。大雨雹。十二月庚辰。又雹。十一年。正月辛酉。雨雹。十三年。二月甲子。雨雹傷麥。五月戊午夜雹。七月壬申。雹害稼。十一月己未。又雹。十七年。正月庚辰。雨雹。五月乙丑。又雹。二十一年。三月己卯。雹傷禾麥。二十八年。四月辛亥。雨雹。二十九年。二月戊戌。雹損麥。隆興元年。三月丙申。

夜雨雹。二年。二月丁丑。雹與霰俱。劉向以為雹陰。脅陽。霰陽薄陰也。四月庚午。雹。七月丁未。雨雹。十二月己亥。雨雪而雹。乾道元年。二月庚寅。夜雹。二年。十月辛卯。雨雹。三年。二月壬午。雪。癸未。雹。四年。正月癸未。夜雹有霰。二月丁酉。又雹。乙卯。又雹而雪。五年。二月丙午。雹損麥。六年。二月壬午。雹亦損麥。八年。七月壬辰。雨雹。淳熙三年。四月丁亥。雨雹。癸巳。天台臨海二縣。大風雹傷麥。四年。正月丙寅。雨雹。六年。正月丁丑。雹傷麥。三月壬申。夜大雨雹如彈丸。八年。十二月甲寅。雨雹。十

二年。二月辛酉。夜有雹。十三年。閏七月丙午。雨雹。十五年。二月丁亥。雨雪而雹。六月丁卯。又雹。十六年。二月己卯。雹與雨俱。紹興元年。二月丙申。雪。丁酉。雹。二年。正月戊寅。大雹震雷。電以雨。二月庚辰。大雪連數日。雷陽也。雪陰也。既雷則不當雪。皆失節之應。乙酉宰臣留正奏土木繁興傷和之應上二月庚寅。朔。建寧府大風雨雹。仆屋殺人。三月癸酉。又大風雨雹。大如桃李實。平地盈尺。壞城郭民舍七百餘家。鄉落四千三百餘家。禾苗不殖。桑麻種麥。蔬果皆損。温州瑞安縣亦如之。壞屋殺人尤衆。皆令郡

之振 秋。西和州祐川縣大風電。壞粟麥。種穉。慶元三年。二月戊辰。雪。已巳。電。四月乙丑。雨。電。大如杯。破瓦。殺燕雀。

嘉泰元年。三月丙寅。丁卯。戊辰。連雨。電。五月丁丑。又電。七月癸亥。大雨。而電。二年四月庚寅。雨。電。傷稼。六月庚子。大風。電。而寒。陰脅陽。又常寒也。四年正月壬辰。雪。與電俱。開禧二年。正月己酉。雨。電。而雷。嘉定元年。閏四月壬申。雨。電。害稼。二年。三月乙未。雨。電。六年夏。江浙郡國多雨。電。害稼。十五年。九月癸丑。大震。雨。電。陽不閉。陰脅陽。皆君道弱。

臣道疆之象 十六年秋。又電

冰花 紹興七年。十二月中。書門下省。檢正官張宗元。出撫淮西軍。寓家建康府。盆冰有文。如畫。佳卉茂。木華葉芬敷。日易以水。變趣奇出。盡春暄乃止。近華孽也。說曰。其地當有兵難。

淳熙初。秀州呂氏家。冰瓦有文。樓觀車馬人物。並蒂。夫容。重英。牡丹。長春。萱草。藤蘿。經日不釋。亦華孽類也。中興以來。長老所記。或雨而木冰。或霜而木冰者。甚多。不曰異郡。國不以聞。蓋日官失之。故木冰無錄者。

文獻通考卷之三百五終

文獻通考卷之三百六

鄱陽 馬端臨 貴與 著

物異考

恒風

春秋釐公十六年正月六鵙退蜚過宋都師古曰鵙音五狄反

左氏傳曰風也。劉歆以為風發於它所至宋而高鵙

高蜚而逢之則退。經以見者為文。故記蜚傳以實應

著。言風常風之罰也。象宋襄公區霧自用不容臣下

逆司馬子魚之諫。而與彊楚爭盟。師古曰子魚公子

而為司馬爭盟謂為鹿上之盟以求諸侯後六年為

於楚子魚諫曰小國爭盟禍也公不聽之

楚所執。師古曰僖二十一年楚執宋公應六鵙之數

云。京房易傳曰。潛龍勿用。師古曰乾初九爻衆逆同志。至德

迺潛。厥異風。其風也。行不解物不長。師古曰不解物謂物逢之而不

解散也近也兩小而傷。政悖德隱。茲謂亂。厥風先風

不兩。大風暴起。發屋折木。守義不進。茲謂耄。厥風雲

俱起。折五穀莖。臣易上政。茲謂不順。厥風大焮發屋。

師古曰焮疾風也音必遥反賦歛不理。茲謂禍。厥風絕經紀。如淳曰有

所破壞絕匹帛之屬也晉灼曰南北為止。即温。温即

蟲侯專封。茲謂不統。厥風疾。而樹不搖。穀不成。辟不

思道利。茲謂無澤。師古曰道讀導示於下而安利之厥風不搖木。

旱無雲傷禾。公常於利。茲謂亂。師古曰公上爵也常於利謂心常求利也

厥風微而温。生蟲蝗。害五穀。棄正作淫。茲謂惑。厥風

温。螟蟲起。害有益人之物。侯不朝。茲謂叛。厥風無恒。

地變赤而殺人

漢文帝二年。六月。淮南王都壽春。大風毀民室。殺人。

時淮南王破南越後。遂謀逆。帝赦之。遷蜀道死。五

年。吳暴風雨。壞城官府民室。時吳王濞謀為逆。亂後

卒誅滅。五年。十月。楚王都彭城。大風從東南來。毀市

門殺人。時王戊初嗣位。後坐淫削國。與吳王謀反。誅

武帝元光五年。秋。七月。大風拔木。征和二年。夏。四

月。大風發屋折木。昭帝元鳳元年。燕王都薊。大風
雨拔宮中樹。七圍以上十六枚。壞城樓。後燕王旦謀
反發覺誅。元帝建始元年。十二月。大風拔甘泉時
中大木十圍以上。王莽天鳳元年。七月。大風拔木。
飛北闕直城屋瓦。地皇元年。七月。大風毀王路堂。
更始元年。六月。光武破王尋王邑兵于昆陽。大雷風。
屋瓦皆飛。

後漢和帝永元五年。五月戊寅。南陽大風。拔樹木。
安帝永初元年。大風拔樹。是時鄧太后攝政。以清河
王子年少。號精耳。故立之。是為安帝。不立皇太子勝。

以為安帝賢。必當德鄧氏也。後安帝親讒廢免鄧氏。
令郡縣迫切死者八九人。家至破壞。此為瞽瞍也。是
後西羌亦大亂。涼州十有餘年。二年。六月。京師及
郡國四十。大風拔木。三年。五月癸酉。京都大風。拔
南郊道梓樹九十六枚。七年。八月丙寅。京都大風。
拔樹。元初二年。二月癸亥。京都大風。拔樹。六年。
夏。四月。沛國勃海大風。拔樹三萬餘枚。延光二年。
三月丙申。河東潁川大風。拔樹。六月壬午。郡國十一。
大風拔樹。是時安帝親讒。曲直不分。三年。京都及郡
國三十六。大風拔樹。

靈帝建寧二年。四月癸巳。京都大風雨雹。拔郊道樹十一圍已。上百餘枚。其後晨。迎氣黃郊道於雒水西橋。逢暴風雨。鹵簿車或發。蓋百官霑濡。還不至郊。使有司行禮。迎氣西郊亦壹如此。中平五年。六月丙寅。大風拔樹。

獻帝初平四年。六月。右扶風大風。發屋拔木。

魏齊王正始九年。十一月。大風數十日。發屋折樹。十二月戊午晦。尤甚。動太極東閣。嘉平元年。正月壬辰朔。西北大風。發屋折樹木。昏塵蔽天。按管輅說。此為時刑大風。執政之憂也。是時曹爽區霧自專。驕僭過。

度。此思心不睿。巨風之罰也。後踰旬而爽誅滅。

吳孫權太平元年。八月朔。大風。江海涌溢。平地水深八尺。拔南陵樹二千株。石碑蹉動。吳城兩門飛落。按華覈對。役繁賦重。區霧不容之罰也。明年。權

薨。孫亮建興元年。十二月甲申。大風震電。是魏

遣大衆三道來攻。諸葛恪破其東興軍。二軍亦退。明年。恪又攻新城。喪衆大半。還伏誅。孫休永安

元年。十一月甲午。風四轉五復。蒙霧連日。是時孫綝一門五侯。權逼吳王。風霧之災。與漢五侯丁傅同應也。十二月丁卯。夜有大風。發木揚沙。明日綝

誅

晉武帝泰始五年五月辛卯朔廣平大風折木

咸寧元年五月下邳廣陵大風壞千餘家折樹木其
月甲申廣陵司吾下邳大風折木 二年八月河間
大風折木

太康二年五月濟南暴風折木傷麥六月高平大風
折木發壞邨閣四十四區七月上黨又大風傷秋稼
八年六月郡國八大風

九年正月京都風雹發屋拔樹後二年宮車晏駕
惠帝元康四年六月大風雨拔樹

五年四月庚寅夜暴風城東渠波浪殺人七月下邳
大風壞廬舍九月鴈門新興太原上黨災風傷稼明
年氐羌反叛大兵西討

九年六月風發風吹賈謚朝服飛數百丈明年謚誅十
一月甲子朔京都連大風發屋折木十二月愍懷太
子廢幽于許昌

永康元年二月大風拔木三月愍懷被害己卯喪柩
發許昌還洛是日又大風雷電悼蓋飛裂四月張華
第舍風發風起折木飛繒折軸六七是月華遇害十一
月戊午朔大風從西北來折木飛沙石六日止明年

正月。趙王倫篡位。

永寧元年。八月。郡國三大風。

永興元年。正月乙丑。西北大風。

趙王倫建始元年。正月癸酉。趙王倫祠太廟。災風暴起。塵四合。其年四月。倫伏辜。

元帝永昌元年。七月丙寅。大風拔木。屋瓦皆飛。八月。暴風壞屋。拔御道柳樹百餘株。其風縱橫無常。若風自八方來者。是時王敦專權。害尚書令刁協。僕射周顛等。故風縱橫。若非一處也。此臣易上政。諸侯不朝之罰也。十一月。宮車晏駕。

成帝咸康四年。三月壬辰。成都大風。發屋折木。四月。李壽襲殺李期。自立。

康帝建元元年。七月庚寅。晉陵吳郡災風。

穆帝升平元年。八月丁未。策立皇后何氏。是日疾風。後桓玄篡位。乃降后為零陵縣君。不肖之罰也。

五年。正月戊午朔。大風。

海西公太和六年。二月。大風迅急。是年被廢。

孝武帝康寧元年。三月。京都大風。火大起。是時桓溫入朝。志在陵上。帝又幼小。人懷憂恐。斯不睿之徵也。三年。三月戊申朔。暴風迅起。從丑上來。須臾送轉。從

子上来。飛沙揚礫

太元二年。二月乙丑朔。暴風折木

閏三月甲子朔。暴風疾雨俱至。發屋折木

三年。六月。長安大風。拔符堅宮中樹。其後堅再南伐。遂有肥水之敗。身戮國亡

四年。八月丁未。暴風揚沙石

十二年。正月壬午。夜暴風。七月甲辰。大風折木

十三年。十二月己未。大風晝晦。其後帝崩。而諸侯違命。權奪於元顯。禍成於桓玄。是其應也

十七年。六月乙未。大風折木

安帝元興二年。二月。夜大風雨。大航門屋瓦飛落。明年。桓玄篡位。由此門入

三年。正月。桓玄出遊大航。南風飄其輶輓。上匹訃反 下五訃反

蓋。經三月而玄敗。歸江陵。五月。江陵又大風折木。是月。桓玄敗於崢嶸洲。身亦屠裂。十一月。丁酉。大風。江陵多死者

義熙四年。十一月辛卯朔。西北疾風起

五年。閏十一月丁亥。大風發屋。明年。盧循至蔡州

六年。五月壬申。大風拔北郊樹。樹幾百年也。并吹琅

邪揚州二射堂倒壞。是日盧循大艦漂沒。甲戌。又風。

發屋折木。是冬王師南討。九年正月。大風。白馬寺

浮圖刹

初轄反柱折壞

十年四月己丑朔。大風拔木。六月辛亥。大風拔木。七月。淮北大風壞屋舍。明年西討司馬休之應。

宋文帝元嘉二十九年三月壬午。大風拔木。

齊武帝永明四年二月丙寅。大風。吳興偏甚。樹葉皆赤。八年六月乙酉。都下大風發屋。

梁武帝天監六年八月戊戌。大風折木。京房易飛候曰。角日疾風。下昏不出三月中。兵必起。是歲魏軍入鍾離。

承聖三年十一月癸未。帝閱武於南城北。風大急。普天昏闇。洪範五行傳曰。人君瞽亂之應。時帝既平侯景。公卿咸勸帝反丹陽。帝不從。又多猜忌。有瞽亂之行。故天變應之以風。是歲為西魏滅。

陳天嘉六年七月癸未。大風起西南。吹倒靈臺候樓。洪範五行傳。以為大臣專恣之咎。時太子冲幼。安成王項專政。帝不時抑損。明年崩。皇太子嗣位。項遂廢之。

太建十二年六月壬戌。大風吹壞臯門中闕。十二年九月夜。又風。發屋拔樹。始興王叔陵專恣之應。

至德中大風吹倒朱雀門

禎明三年六月丁巳大風自西北激濤水入石頭淮是時後主任司馬申誅戮忠諫沈客卿施文慶專行邪僻江聰孔範等崇長淫縱杜塞聰明矜亂之咎後齊河清二年大風三旬乃止時帝委政佞臣和士開專恣日甚

天統三年五月大風晝晦發屋拔木明年帝崩七年三月大風起西北發屋拔木五日乃止時高阿那壞駱提婆等專恣之應

隋文帝開皇二十年十一月京師大風發屋拔木秦

隴壓死者千餘

仁壽二年西河有胡人乘騾在道忽為迴風所飄并一車上千餘尺乃墜皆碎焉京房易傳曰衆逆同志至德乃潛厥異風後二載漢王諒在并州潛謀逆亂車及騾騎之象也升空而墜顛頊之應也

唐武德二年十二月壬子大風易巽為風重巽以申命其及物也象人君誥命其鼓動於天地間有時飛沙揚塵怒也發屋拔木者怒甚也其占大臣專恣而氣盛衆逆同志君行蒙暗施於事則皆傷害故常風又飄風入宮闕一日再三若風聲如雷觸地而起為

兵將興

貞觀十四年。六月乙酉。大風拔木。咸亨四年。八月

己酉。大風落太廟鷓尾。永隆二年。七月。雍州大風

害稼。弘道元年。十二月壬午晦。宋州大風拔木。

嗣聖元年。四月丁巳。寧州大風拔木。垂拱四年。十

月辛亥。大風拔木。永昌二年。五月丁亥。大風拔木。

神龍元年。三月乙酉。睦州大風拔木。崔玄暉封博陵

郡王也。大風折其輅蓋。二年。六月乙亥。滑州大風

拔木。景龍元年。七月。郴州大風發屋拔木。八月。宋

州大風拔木。壞屋舍。二年。十月辛亥。滑州暴風。發

屋。三年。三月辛未。曹州大風拔木。開元二年。六

月。京師大風發屋。大木拔者十七八。四年。六月辛

未。京師陝華。大風拔木。九年。七月丙辰。揚州潤州

暴風雨。發屋拔木。十四年。六月戊午。大風拔木。發

屋。端門鷓尾盡落。端門。號令所從出也。十九年。六

月乙酉。大風拔木。二十二年。五月戊子。大風拔木。

天寶十一載。五月甲子。東京大風拔木。十三載。三

月辛酉。大風拔木。永泰元年。三月辛亥。大風拔木。

大曆七年。五月乙酉。大風拔木。十年。五月甲寅。大

風拔木。貞元元年。七月。庚子。大風拔木。六年。四

月甲申。大風雨。八年。五月己未。暴風發太廟屋瓦。毀門闈官署屋舍。不可勝紀。十年。六月辛未。大風拔木。十四年。八月癸未。廣州大風。壞屋覆舟。元和元年。六月丙申。大風拔木。三年。四月壬申。大風毀含元殿欄檻二十七間。占為兵起。四年。十月壬午。天有氣如煙。臭如燔皮。日暎。大風而止。五年。三月丙子。大風毀崇陵上宮衙殿。鴟尾及神門戟竿六。壞行垣四十間。八年。六月庚寅。京師大風雨。毀屋飄瓦。人多壓死者。丙申。富平大風。拔棗木千餘株。十二年。春。青州一夕暴風。自西北天地晦冥。空中有

若旌旗狀。屋瓦上如蹂躪聲。有日者占之曰。不及五年。此地當大殺戮。長慶二年。正月己酉。大風。朔。十月。夏州大風。飛沙為堆。高及城堞。三年。正月丁巳。朔。大風。昏霾終日。四年。六月庚寅。大風毀延喜門及景風門。大和八年。六月癸未。暴風壞長安縣署。及經行寺塔。九年。四月辛丑。大風拔木萬株。隋含元殿四鴟尾。拔殿庭樹三。壞金吾伏舍。發城門樓觀。內外三十餘所。光化門西城十數雉壞。開成三年。正月戊辰。大風拔木。五年。四月甲子。大風拔木。五月壬寅。亦如之。七年。戊寅。亦如之。會昌元年。三月。

黔南大風飄瓦。咸通六年正月。絳州大風拔木。有十圍者。十一月己卯晦。潼關夜中大風。山如吼雷。河噴石鳴。群鳥亂飛。重關傾側。十二月。大風拔木。乾符五年。五月丁酉。大風拔木。廣明元年。四月甲申。京師及東都汝州雨雹。大風拔木。四年六月乙巳。太原大風雨。拔木千株。害稼百里。光化三年。七月乙丑。洛州大風。發屋拔木。天復二年。昇州大風。發屋飛大木。

後漢乾祐三年。閏五月癸巳。京師西北風暴雨。至戴婁門外。壞營舍瓦木。吹鄭門門扉起十餘步。落拔大樹數十。震死者六七人。平地水深尺餘。其年十一月。隱帝遇害。

宋乾德二年。五月。揚州暴風。壞軍營舍僅百區。三年。六月。揚州暴風。壞軍營及城上敵棚。

開寶二年。三月。車駕駐太原城下。大風一夕而止。八年。十月。廣州颶風起。一晝夜雨水二丈餘。海為之漲飄失舟。九年。四月。宋州大風。壞甲仗庫城樓。軍營民舍。凡四千五百九十六區。

太平興國二年。六月。曹州大風。壞濟縣廨及軍營。四年。八月。泗州大風。浮梁竹竿鐵索斷。華表石柱折。

六年。九月。高州大風。壞解宇民舍五百區。七年。八月。瓊州颶風。壞城門州署民舍殆盡。八年。九月。太平軍颶風拔木。壞解宇民舍千八十七區。十月。雷州颶風。壞廩庫民舍七百區。九年。八月。白州颶風。壞州解民舍。端拱二年。京師暴風起東北。塵沙曠日。人不相辨。淳化二年。五月。通利軍大風害稼。三年。六月。丁丑。黑風自西北起。天地晦暝。雷震。有頃乃止。先是都下大熱。疫死者衆。及此風至。疾疫遂止。至道二年。八月。潮州颶風。壞州解營寨。漂刀魚舟。咸平元年。八月。涪州大風。壞城舍。四年。八月。丙子。

京師暴風。景德二年。六月。甲午。大風吹沙折木。八月。福州海上有颶風。壞屋舍。三年。七月。丙寅。京師大風。四年。三月。甲寅。夕。京師大風。黃塵蔽日。自大名府歷京畿。害桑稼。唐州尤甚。

大中祥符二年。四月。乙未。大風起京師西北。連日不止。九月。無為軍城北暴風雨。晝晦不可辨。拔木壞城門營壘民舍。壓死千餘人。遣內侍張景宣。馳驛郵視壞屋者。無出來年夏租。壓死者。家賜米一斛。無主者。官瘞之。五年。八月。京師大風。七年。二月。戊辰。京師大風。揚沙礫。是日百官習儀。恭謝壇。有隨仆者。

六年六月辛亥。京師大風起。已位。吹沙揚塵。天禧二年正月。永州大風。發屋拔木。數日止。三年五月。徐州利國監大風起。西南。壞舍二百餘區。壓死十二人。四年四月。大風起西北。飛沙折木。晝晦。數刻止。五月乙卯。大風起西北。有聲。折木吹黃塵。蔽天。按占並主陰謀姦邪。是秋內侍周懷政坐妖亂伏誅。天聖六年二月庚辰。大風晝暝。九年十二月辛酉。大風三日。景祐元年九月甲寅。夜漏上風自丑起。有聲。擢木鳴條。二年六月戊寅。平明風自未來。占者以為百穀豐衍之候。唐定元年。大風晝暝。

經刻乃復。皇祐四年七月丁巳。大風拔木。熙寧四年二月辛巳。京東自濮州至河北旁邊。大風異常。百姓驚恐。四月癸亥。京師大風霾。六年四月。北。京館陶縣里風。九年十一月。潮州海陽潮陽二縣。颶風海潮。害民田稼。十年六月。恩州武城縣大風。壞縣廨。知縣李愈妻。主簿寇宗奭妻之母。壓死。七月。温州大風雨。漂城樓官舍。元豐四年六月。邕州颶風。壞城樓官私廬舍。七月甲午夜。泰州海風作。繼以大雨。浸州城。壞公私廬舍數千間。又通州靜海縣大風雨。毀官

私廬舍二千七百六十三楹。潤州丹陽縣大風雨。溺居民毀廬舍。丹徒縣大風潮。飄蕩沿江廬舍。損田家。六月。邕州颶風壞城樓官私廬舍。五年。八月。朱崖軍颶風毀廬舍。元祐八年。二月末。京師風霾大寒。是歲福建兩浙海風駕潮害民田。紹聖元年秋。蘇湖秀等州海風害民田。靖康元年。正月望夜。大風起西北。有聲。吹沙走石。盡明日乃止。二月戊申。大風起東北。揚塵翳空。三月己巳夜五更。大風乍慢乍急。聲如叫怒。十一月丁亥。大風發屋折木。閏十一月甲寅。大風起北方。雪繼作。積數尺。連夜不停。二年。正

月己亥。天氣昏曠。狂風迅發。竟日夜。西北陰雲中。如有火光。二丈餘。闊數尺。時時見。庚戌大風雨。二月乙酉。大風折木。晚尤甚。三月丁酉。風霾。己亥。大風。四月庚申朔。大風吹石折木。辛酉。北風益甚。苦寒。

建炎元年。二月乙酉。大風拔木。紹興二十八年。七

月壬戌。平江府大風雨。駕潮漂溺數百里。壞田廬。

三十二年。七月戊申。大風拔木。温州大風。壞屋覆舟。

隆興元年。浙東西郡國風水傷稼。二年。八月。大風

雨。飄蕩田廬。乾道二年。八月丁亥。温州大風雨。駕

海潮殺人。覆舟壞廬舍。五年十月。台州大風水。壞

田廬。八年六月丙辰。惠州颶風。壞海艦三十餘。時
樞密院調廣東經略司水軍。四艦覆其三。死者百三
十餘人。淳熙三年六月。大風連日。四年九月。明
州大風。駕海潮。壞定海鄞縣海岸。七千六百餘丈。及田
廬軍壘。六月乙巳夜。福州福清縣興化軍大風雨。
壞官舍民居倉庫及海口鎮。人多死者。六年十一
月。鄂州大風。覆舟溺人甚衆。七年二月。江陵府大
風。焚溺岸舟。死者尤衆。十年八月辛酉。雷州颶風
大作。駕海潮。飄溢殺人。林木田禾皆折。紹熙二年
二月癸酉。温州瑞安縣大風。仆屋拔木殺人。四年。

七月。興化軍海風。害稼。五年七月乙亥。行都大風
拔木。壞舟甚衆。紹興府秀州大風。駕海潮。害稼。秋。明
州颶風。駕海潮。害稼。十月甲戌。行都大風。拔木。
慶元二年六月壬申。台州暴風雨。駕海潮。壞屋田。
六年夏。常風當夏而寒。嘉定二年七月壬辰。台州
大風雨。駕海潮。壞屋殺人。三年八月癸酉。大風連
日。大木皆拔。折木穗。隋果實。上露禱。至于丙子。乃息。
後御史朝。陵于紹興府歸。奏風壞陵殿宮墻六十
餘所。折陵木二千餘株。六年十二月。餘姚縣風潮。
壞海堤亘八鄉。七年正月庚辰。江州燈夕。黑雲暴。

風暮作郡治游人相踐死于門者二十餘人。十一月二日甲寅大風。十六年秋大風拔木害稼。十七年秋福州颶風大作壞田損稼。冬鄂州暴風壞戰艦二百餘。壽昌軍壞戰艦六十餘。江州與國軍亦如之。

恒陰

漢昭帝元年元月四月崩亡。嗣立昌邑王賀。賀即位。天陰晝夜不見日月。賀欲出。光祿大夫夏侯勝當車諫曰。天又陰而不雨。臣下有謀上者。陛下欲何之。賀怒。縛勝以屬吏。師古曰屬委也音之欲反吏白大將軍霍光。光時

與車騎將軍張安世謀欲廢賀。光讓安世以為泄語。安世實不泄。召問勝。勝上洪範五行傳曰。皇之不極。厥罰常陰。時則有下人伐上。不敢察察言。臣瓚曰不言故云。臣下有謀。光安世讀之大驚。以此益重經術士。後數日卒。共廢賀。此常陰之明效也。京房易傳曰。有霓蒙霧。霧上下合也。蒙如塵雲。蜺日旁氣也。其占曰。后妃有專。蜺再重赤。而專至衡旱。孟康曰專員也若五月再重赤而員至十月。妻不一順。黑蜺四背。又白蜺雙出日中。妻以貴高夫。茲謂擅陽。蜺四方。日光不陽。解而温。服虔曰蒙氣解而温。內取茲謂禽。服虔曰人君取於國中。也。師古曰取如

禮記聚塵之
聚瓚說非
蜺如禽在日旁以尊降妃茲謂薄嗣蜺

直而塞六辰廼除夜星見而赤謂從卯至申辰女不變

始茲謂乘夫孟康曰始高貴於蜺白在日側黑蜺果

之氣正直謂千古之也妻不順正茲謂擅陽蜺中窺貫

而外專夫妻不嚴茲謂媾師古曰音蝶言慢也蜺與

日會婦人擅國茲謂頃師古曰頃蜺白貫日中赤蜺

四背蜺服度曰適不答茲謂不次答服也臣瓚曰適妻不見

妻為不見報答也一曰適讀曰嫡答報也以息意接對之

蜺直在左蜺交在右取於不專茲謂危嗣蜺抱日兩

未及君淫外茲謂亡蜺氣左曰交於外取不達茲謂

不知蜺白奪明而大温温而雨師古曰取尊卑不別

茲謂媾蜺三出三已三辰除也韋昭曰若從寅至辰除

則日出且雨臣私祿及親茲謂罔辟師古曰辟君也

其下厥異蒙其蒙先大温已蒙起日不見行善不請

於上茲謂作福蒙一日五起五解辟不下謀臣辟異

道茲謂不見上蒙下霧風三變而俱解立嗣子疑茲

謂動欲蒙赤曰不明德不序茲謂不聰蒙曰不明温

而民病德不試空言祿師古曰茲謂主窳臣天孟康

蒙日青黑雲夾日左右前後行過日公不任職茲謂

怙祿蒙不鮮利邪以食茲謂閉上蒙大起白雲如山
行蔽日公懼不言道茲謂閉下蒙大起日不見若雨
不雨至十二日解而有天雲蔽日祿生於下茲謂誣
君蒙微而小雨已乃大雨下相攘善茲謂盜明蒙黃
濁下陳功求於上茲謂不知蒙微而赤風鳴條解復
蒙下專刑茲謂分威蒙而日不得明大臣厭小臣茲
謂蔽蒙微日不明若解不解大風發赤雲起而蔽日
衆不惡惡茲謂閉蒙尊卦用事孟康曰尊卦乾坤也
臣瓚曰京房謂方伯
卦震兌坎離也師
古曰孟說三日而起日不見漏言亡喜茲謂
下厝用師古曰厝
音千各反蒙微日無光有雨雲雨不降廢忠

惑佞茲謂亡蒙天先清而暴蒙微而日不明有逸民
茲謂不明蒙濁奪日光公不任職茲謂不誣蒙白三
辰止則日青青而寒寒必雨忠臣進善君不試茲謂
遏師古曰
試用也蒙先小雨雨已蒙起微而日不明惑衆在
位茲謂覆國蒙微而日不明一溫一寒風揚塵知佞
厚之茲謂庠蒙甚而溫君臣故弼茲謂悖師古曰弼
猶相戾也
悖惑
也者厥災風雨霧風拔木亂五穀已而大霧庶正蔽
惡茲謂生孽災厥異霧此皆陰雲之類云
後漢順帝陽嘉二年郎顛上書云正月以來陰闇連
日久陰不雨亂氣也得賢不用猶久陰不雨也

吳孫亮太平三年。自八月沉陰不雨四十餘日。是時將誅孫綝謀泄。九月戊午。綝以兵圍宮。廢帝為會稽王。此常陰之罰也。孫皓寶鼎元年。十二月。太史奏。久陰不雨。將有陰謀。孫皓驚懼。時陸凱等謀。因其謁廟廢之。及出。留平領兵前驅。凱先語平。平不許。是以不果。皓既肆虐。群下多懷異圖。終至降三。

隋開皇二十年。十月。久陰不雨。劉向曰。王者失中。臣下蔽君明。則雲陰。時獨孤后與楊素譖太子勇廢之。唐長安四年。自九月霖雨陰晦。至于神龍元年正月。

貞元二十一年。秋。連月陰霽。元和十五年。正月庚辰。至于丙申。晝常陰晦。微雨雪。夜則晴霽。占曰。晝霧夜晴。臣志得申。咸通十四年。七月。靈州陰晦。乾符六年。秋。多雲霧晦冥。日旦及禺中乃解。光啓元年。秋。河東大雲霧。明年夏。晝陰積六十日。二年。十一月。淮南陰晦。雨雪。至明年二月不解。景福二年。夏。連陰四十餘日。霧。長壽元年。九月戊戌。黃霧四塞。霧者。百邪之氣。為陰冒陽。本于地而應于天。黃為土。土為中宮。神龍二年。三月乙巳。黃霧四塞。景龍二年。八月甲戌。黃霧昏濁。不雨。三年。正月丁卯。

黃霧四塞。十一月甲寅。日入後昏霧四塞。經二日乃止。占曰。霧連日不解。其國昏亂。開元五年正月戊辰。昏霧四塞。天寶十四年冬三月。常霧昏暗。十步外不見人。是謂晝昏。占曰。有破國。至德二年四月。賊將武令珣圍南陽。白霧四塞。上元元年閏四月。大霧。占曰。兵起。貞元十年三月乙亥。黃霧四塞。日無光。咸通九年十一月。龐勳圍徐州。甲辰。大霧昏塞。至于丙午。光化四年冬。昭宗在東內。武德門煙霧四塞。門外日色皎然。

宋建炎三年六月。久陰。上謂輔臣曰。占為陰盛。下有

陰謀。語在常雨。紹興三年。自正月陰晦。陽光不舒者四十餘日。八年三月乙卯。晝蒙。京房易傳曰。霧上下合也。蒙如塵雲。四月。積雨方止。氛霧四塞。晝日無光。近常陰也。隆興二年六月。沈陰不解者月餘。乾道二年十一月。天久晦陰。五年正月甲申。晝蒙。六年五月。連陰六月。日青無光。淳熙六年十一月乙丑。晝蒙。十三年正月丁亥。亦如之。慶元六年十二月辛卯。嘉定三年正月丙午。十年正月乙未。十三年三月壬辰。皆晝蒙。

夜妖

春秋僖公十五年九月己卯晦。震夷伯之廟。師古曰夷伯司

空無駭之後本魯公族也。號展氏。劉向以為晦暝也。震雷也。夷伯世

大夫。正晝雷。其廟獨冥。師古曰冥暗也。天戒若曰。勿使大夫

世官。將專事暝晦。明年公子季友卒。果世官。師古曰謂季友

之孫行父仍執政專為卿。政在季氏。至成公十六年正月。

甲午晦。正晝皆暝。陰為陽。臣制君也。成公不寤。其冬

季氏殺公子偃。師古曰為季文子。季氏萌於釐公。師古

曰萌謂草木始生也。言其始有威權。大於成文。此其應也。董仲舒以為

夷伯。季氏之孚也。師古曰孚信也。陪臣不當有廟。震

者雷也。晦暝雷擊其廟。明當絕去。僭差之類也。向又

以為此皆所謂夜妖者也。劉歆以為春秋及朔言朔

及晦言晦。人道所不及。則天震之。展氏有隱慝。故天

加誅於其祖夷伯之廟。以譴告之也。成公十六年六

月甲午晦。晉侯及楚子鄭伯戰于鄢陵。皆月晦云。

漢高祖二年。東伐楚。入彭城。項羽以精兵擊漢軍。大

破之。圍漢王三匝。大風起。揚沙石。晝晦。楚軍大亂。漢

王得與數十騎遁去。

魏高貴鄉公正元二年。正月戊戌。景帝討毋丘儉。大

風晦暝。行者皆頓伏。近夜妖也。劉向曰。晝晦而暝。陰

為陽。臣制君也。元帝景元三年。十月。京師大震。晝

晦。此夜妖也。劉向春秋說云。天戒若曰。勿使大夫世官。將令專事。瞋晦。公室卑矣。魏見此妖。晉有天下之應也。

晉武帝泰始三年。三月丁未。晝昏。懷帝永嘉四年。十一月辛卯。晝昏。至于庚子。此夜妖也。後年。劉曜寇洛川。王師頻為賊所敗。帝蒙塵于平陽。孝武帝太元十三年。十二月乙未。大風晦。其後帝崩。而諸侯違命。干戈內侮。權奪於元顯。禍成於桓玄。

符堅時。大風晝。暝。恒星皆見。太史以為西南國亡。明年。堅陷蜀。

梁元帝承聖二年。十月丁卯。大風晝。暝。天地昏暗。近夜妖也。京房易飛候曰。羽日風。天下昏。人大疾。不然。多寇盜。三年。為西魏所滅。

陳後主禎。明三年。正月朔旦。雲霧晦。暝。入鼻酸辛。後主昏昧。近夜妖。時北軍臨江。後主惑佞臣孔範之言。而昏闇不能用。以至覆亡。

東魏武定四年。冬。大霧六日。晝夜不解。洪範五行傳曰。晝而晦。冥。若夜者。陰侵陽。臣將侵君之象也。明年。元瑾。劉思逸。謀殺大將軍之應。

周大象二年。尉迥敗於相川。坑其黨與數萬人於遊。

豫園其處每聞鬼夜哭聲。洪範五行傳曰。哭者死亡之表。近夜妖也。鬼而夜哭者。將有死亡之應。京房易飛候曰。鬼夜哭。國將亡。明年周氏王公皆見殺。周室亦亡。

隋仁壽中。仁壽宮及長城之下。數聞鬼哭。尋而獻后及帝相次而崩於仁壽宮。

大業八年。楊玄感作亂於東都。尚書樊子蓋坑其黨。與長夏門外。前後數萬。洎于末年。數聞其處鬼哭。有呻吟之聲。與前占同。其後王世充害越王侗于洛陽。唐大和九年。十一月戊辰。晝晦。咸通七年。九月辛

卯朔。天闇。乾符二年。二月。宣武境內黑風。雨土。

天祐元年。閏四月乙未朔。大風。雨上。

後周顯德六年。六月辛卯辰巳間。京師天地晦暝。澍雨驟降。雨中有腥氣。其日世宗崩。

宋端拱二年。京師暴風起東北。塵沙曠日。人不相辨。淳化三年。六月丁丑。黑風自西北起。天地晦冥。雷震。有頃乃止。大中祥符二年。九月。無為軍城北暴風。雨。晝晦不可辨。拔木壞城門。營壘民舍。

天聖六年。二月庚辰。大風晝暝。康定元年。三月丙子。大風晝暝。經刻乃復。嘉祐八年。十一月丙午。大

風霾。治平二年。二月乙巳。大風晝晦。四年。正月庚辰朔。大風霾。是日群臣上尊號。廷中仗衛。皆不能整。時帝不豫。越七日崩。

熙寧四年。四月。京師大風霾。靖康二年。正月己亥。天氣昏曠。風迅發。竟日。丁未。霧氣四塞。人對面不相視。

建炎元年。三月丁酉。汴京風霾。日無光。劉向曰。正晝而瞑。陰為陽臣制君也。是日張邦昌僭位。二年。七月癸未。風雨晝晦。是日東京留守宗澤薨。十一月甲子。北京大霧四塞。是夕城陷。

三年。三月。上發温州航海。乙丑。御舟次松門。海

中白霧晝晦。近夜妖也。

紹興八年。三月甲寅。晝晦。日無光。陰霧四塞。乙卯。晝夜雲氣昧濁。十一年。主管成都等路茶事馮康國

言。三月庚申。虜居長安。晝晦。面不相睹。虜亡之象也。乾道五年。正月甲申。晝霾四塞。

淳熙五年。四月丁丑。塵霾晝晦。日無光。

慶元元年。二月己卯。晝暝。四方昏塞。三年。二月丁卯。晝晦。昏霧四塞。

嘉定十年。正月乙未。晝霾。二月癸巳。日蒙無光。

文獻通考卷之三百六

文獻通考卷之三百七

鄱陽 馬端臨 貴與 著

物異

雷震

成王時秋大熟未獲。天大雷電以風。禾盡偃。大木斯拔。邦人大恐。

秦始皇五年。冬雷。

漢惠帝五年。冬十月雷。景帝六年。冬十二月雷霖。

雨。昭帝元鳳五年。十一月大雷。

王莽始建國二年。十二月雷。

後漢光武建武七年。遼東冬雷。草木實。和帝元興元年。冬十一月壬午。郡國四。冬雷。時皇子數不遂。皆隱之民間。是歲宮車晏駕。殤帝生百餘日。立以為君。帝兄平原王有疾。不立卒。皆天無嗣。殤帝延平元年。九月乙亥。陳留雷。有石墮地。四

安帝永初六年。十月丙戌。郡六。冬雷。

京房占曰。天冬雷。地必震。又曰。

教令擾。又曰。雷以十一月起。黃鐘二月大。聲八月闔。藏此以春夏。殺無辜。不須冬刑。致災。蟄蟲出行。不救。之。則冬溫風。以其來年疾病。其救也。率幼孤。振不足。議。獄刑。賞。謫。罰。災。則消矣。古今注曰。明帝永平七年。十月丙子。越。嵩。雷。

七年。十月戊子。郡國三。冬雷。元初元年。十月癸巳。郡

國三。冬雷。三年。十月辛亥。汝南樂浪冬雷。四年。十月

辛酉。郡國五。冬雷。六年。十月丙子。郡國五。冬雷。永寧

元年。十月。郡國七。冬雷。建光元年。十月。郡國七。冬雷。

延光四年。郡國十九。冬雷。是時太后攝政。上無所與。

太后既崩。阿母王聖及皇后兄閻顯兄弟更秉威權。

上遂不親萬機。從容寬仁。任臣下。古今注曰。順帝永

雷震擊高廟。世祖廟外槐樹。

桓帝建和三年。六月乙卯。雷震憲陵寢屋。先是梁太

后聽兄冀。枉殺李固。杜喬。

靈帝熹平六年。冬十月。東萊冬雷。中平四年。十二月

晦。雨水大雷電雹。

獻帝初平三年五月丙申。無雲而雷。四年五月癸酉。無雲而雷。

魏明帝景初中。洛陽城東橋。城西洛水浮橋。桓楹同日三處俱時震。尋又震西城上。候風木飛鳥。時勞役大起。帝尋晏駕。

吳孫權赤烏八年夏。震宮門柱。又擊南津大橋。桓楹。孫亮建興元年十二月朔。大風震電。是月又雷雨。義同前說。亮終廢。

晉武帝太康六年十二月甲申朔。淮南郡震電。

七年十二月己亥。毗陵雷電。南沙司鹽都尉戴亮以聞。

十年十二月癸卯。廬江建安雷電大雨。

惠帝永康元年六月癸卯。震崇陽陵。標西南五百步。標破為七十片。是時賈后陷害。鼎輔。寵樹私戚。與漢桓帝時震憲陵寢同事也。后終誅滅。

永興二年十月丁丑雷震。

懷帝永嘉四年十月震電。

愍帝建興元年十一月戊辰。會稽大雨震電。己巳夜。赤氣曜於西北。是夕大雨震電。庚午大雪。按劉向說。

雷以二月出。八月入。今此月震電者。陽不閉藏也。既發泄而明日便大雪。皆失節之異也。是時劉淵僭號平陽。李雄稱制於蜀。九州幅裂。西京孤微。為君失時之象也。赤氣。赤祥也。

元帝大興元年十一月乙卯。暴雨雷電。

水昌二年。七子景子朔。雷震太極殿柱。

十二月。會稽吳郡雷震電。

成帝咸和元年十月己巳。會稽郡大雨震。

三年六月辛卯。臨海大雷破郡府內小屋柱十枚。殺人。九月二日壬午。立冬。會稽雷電。

四年十一月。吳郡會稽又震電。

穆帝永和七年十月壬午。雷雨震電。

升平元年十一月庚戌。雷。乙丑又雷。

五年十月庚午。雷發東南方。

孝武帝太元五年六月甲寅。雷震含章殿四柱。并殺內侍二人。

十年十二月。雷聲在南方。

十四年七月甲寅。雷震燒宣陽門西柱。

安帝隆安二年九月壬辰。雷雨。

元興三年。永安皇后至自巴陵。將設儀導入宮。天雷。

震人馬各一俱殪於計馬

義熙四年十一月辛卯朔。西北方疾風發。癸丑雷。六月甲寅雷震一廟。破東鳴尾。徹柱。又震太子西池。合堂。是時帝不親蒸嘗。故天震之。明簡宋廟也。西池。是明帝為太子時所造。次故號太子池。及安帝多病患。無嗣。故天震之。明無後也。

六年正月甲寅雷。又雪。十二月壬辰大雷。

九年十一月甲戌雷。乙亥。又雷。

陳宣帝大建元年七月大雨震萬安陵華表。又震慧日寺刹瓦。官寺重閣門下一女子震死。京房易飛候

曰。雷雨霹靂丘陵者。逆先人令為火殺人者。人君用讒言殺正人。時蔡景歷以奸邪任用。右僕射陸縵以讒毀獲譴。發病而死。

十年三月震武庫。時帝好兵。頻年北伐。內外虛竭。將士勞弊。既克淮南。又進圖彭汴。毛喜切諫不納。由是吳明徹諸軍皆沒。遂失淮南之地。武庫者兵器之所聚也。而震之。天戒若曰。宜戢兵以安百姓。帝不悟。又大興軍旅。其年六月。又震太皇寺刹莊嚴寺露槃。重陽閣東樓鴻臚府門。太皇莊嚴二寺。陳國奉佛之所。重陽閣每所遊宴。鴻臚賓客禮義之所在。而同歲震

者。天戒若曰。國威已喪。不務脩德。後必有恃佛道。耽
宴樂。棄禮儀而亡國者。陳之君臣竟不悟。至後主之
代。災異屢起。懼而於太皇寺捨身為奴。以祈冥助。不
恤國政。耽酒色。棄禮法。不脩隣好。以取敗亡。
後齊武平元年。夏。震丞相段孝先南門柱。京房易傳
曰。震及貴臣門及屋者。不出三年。佞臣被誅。後歲和
士開被戮。

唐貞觀十一年。四月甲子。震乾元殿前槐樹。震耀天
之威怒。以象殺戮。槐。古者三公所樹也。

證聖元年。正月丁酉。雷。雷者。陽聲。出非其時。臣竊君

柄之象。長安四年。五月丁亥。震雷。大風拔木。人有

震死者。延平元年。六月。淮南偃師縣李村。村有震

電入民家。地震裂闊丈餘。長十五里。深不可測。所裂

處井廁相通。或衝冢墓。柩出平地。無損。李國姓也。震

電。威刑之象。地陰類也。永泰元年。二月甲子夜。震

霆。自是無雷。至六月甲申。乃雷。大曆十年。四月甲

申。雷電暴風拔木飄瓦。人有震死者。京畿害稼者七

縣。建中元年。九月乙卯。雷。四年。四月丙子。東都

畿汝節度使哥舒曜攻李希烈。進軍至潁橋。大雨震

電。人不能言者十三四。馬驢多死。貞元十四年。五

月巳酉。夏至始電。元和十一年。冬雷。長慶二年。六月乙丑。大風震電。落太廟鷓尾。破御史臺樹。大和八年。七月辛酉。定陵臺大雨。震廡下地裂二十有六步。占曰。士庶分離。大臣專恣。不救大敗。會昌三年。五月甲午。始雷。咸通四年。十二月。震雷。乾符二年。十二月。震雷雨雹。乾寧四年。李茂貞遣將苻道昭攻成都。至廣漢。震雷。有石隕于帳前。宋建隆四年。四月癸巳。宿州日無雨。雷霆暴作。軍校傅韜震死。是夜半風雷起于京師。開封縣署。役夫劉延嗣。萬進。震死。頃之。進復蘇。言有烟焰自牖入室。因

駭廢徧體焦灼

乾德二年。正月辛巳。雷聲起京師西南。東行有電。五月戊戌。大名府大雨。雷震焚橐聚。四年。七月。海州雷震長吏廳。土木多圯。傷刺史梁晉起。

開寶七年。六月。易州雷震死耀光軍士八人。八年。八月。邛州延貴鎮。震死民費責及其四子。

太平興國二年。七月。瀛州景城縣。霆震死牛商馮乂。端拱二年。八月。興化軍民劉政震死。有文在胷中曰。大不孝。九月丙午。夜半雷聲起京師西北。淳化三年。七月。泗州大風雨。震僧伽塔柱。

至道元年。三月甲戌。京師雷未發聲。召司天監丞趙昭益問之。云。按占雷不發聲。寬政之應也。

七月。泗州大風雨。雷震僧伽塔及壞鍾樓。

咸平元年。正月戊寅。京師西北有雷電。十一月。瀛州順安軍並東北有雷。

三年。十月。黃州西北雷聲如盛夏時。十一月。真定府東南雷。

四年。十月乙巳。京師西南雷電。閏十二月。大名府雷。

五年。九月辛亥。京師雷。

六年。十一月甲午。京師暴雷震。司天言國家發號布德。未及黎庶。時議改元肆赦。詔宰相增廣條目。采民病悉除之。

景德三年。九月丙寅。又京師大震電。

大中祥符元年。正月癸未。京師西北雷。

五年十二月己巳。京師西北雷電。

九年五月。殿侍張信奉南海祝版。乘驛至唐州。震死。大觀三年。十月戊子。大雷電而雨。

紹興五年。十月丁巳。雷。六年。十月丙午。雷。九年。十月丁卯。雷。十一年。十一月己酉。雷。十五年。十月辛卯。雷。十二月甲寅。雷。十六年。温州大雷電。

龍翔寺震死者六人。十九年十月甲寅雷。二十

一年二月辛未南安軍大雷電。大庾縣治震死者四

人。十一月辛未夜震雷。十二月癸酉雷。二十

二年十二月戊寅巳卯雷。二十六年十二月甲子

雷。乾道二年十一月戊辰日南至大震雷。癸酉策免相葉

顯魏七年正月丙戌雷自是迄夏無雷。淳熙十

二年十一月戊午雷。十二月丁丑雷。十三年正

月雷後三十五日有雪。十四年十一月冬雷。十

六年七月大雷震太廟齋殿。紹熙二年正月雷雪

三年正月庚戌朔雷。四年十一月巳卯日南至辛

巳雷。五年十月大雷震。慶元元年春無雷。開

禧三年十月辛未雷。三年十月雷。嘉定三年十

月雷。五年七月雷雨震太廟之鴟吻。十月冬雷

六年閏九月雷電。十年正月朔雷。十一年九月

辛巳明堂禮成肆赦雷電。十四年十六年俱冬雷

物自鳴

即五行志所謂鼓妖也。無形有聲無雲而雷謂之鼓妖。今所載凡不當鳴而鳴者皆入焉。

左傳僖公三十二年十二月巳卯晉文公卒庚辰將殯于曲沃出絳柩有聲如牛。劉向以為近鼓妖也。喪

凶事聲如牛。怒象也。將有急怒之謀。以生兵革之禍。時秦穆公遣兵襲鄭。晉要之崤隄。以敗其師。晉不惟舊而聽虐謀。結怨強國。四被秦寇。禍流數世。凶惡之効也。

考王十三年。晉無雲而雷。威烈王三年。十一月。晉有火下于北方。其聲如鼓。

秦二世元年。天無雲而雷。劉向以為雷當託於雲。猶君託於臣。陰陽之合也。二世不恤下。下民怨叛。是歲陳勝起。趙高作亂。秦遂亡。一曰。易震為雷。為顛不恭也。

漢成帝元延元年。四月丁酉。無雲而有雷聲。光耀耀四面。下至地止。

哀帝建平二年。四月乙亥朔。御史大夫朱博為丞相。少府趙玄為御史大夫。臨延。登受策。有大聲如鍾鳴。

師古曰。延入而登殿也。漢舊儀云。丞相御史大夫初拜皇帝延登親詔也殿中郎吏陞者皆聞焉。師古曰。陞皆謂上以問黃門侍郎楊雄。李尋

尋對曰。洪範所謂鼓妖者也。師法以為人君不聰為衆所惑。空名得進。則有聲無形。不知所從生。其傳曰。歲月日之中。則正卿受之。今以四月日加辰巳。有異。是為中焉。正卿謂執政大臣也。宜退丞相御史以應。

天變然雖不退。不出期年。其人自蒙其咎。

師古曰期年十二月

也蒙猶被也期音基

楊雄亦以為鼓妖聽失之象也。朱博為人

彊毅多權謀。宜將不宜相恐。有凶惡亟疾之怒。

師古

曰亟急也音居力反

八月博玄坐為奸謀。博自殺。玄減死論

京房易傳曰。令不修本。下不安。金母故自動。若有

音

元壽元年九月。孝元廟殿門銅龜蛇鋪首鳴。

如淳曰門鋪首

作龜蛇之形而鳴呼也門之鋪首所以銜環者也

王莽天鳳三年十月戊辰。王路朱鳥門鳴。晝夜不絕。

崔發等曰。虞帝闢四門。達四聰。門鳴者。明當修先聖

之禮。招四方之士也。於是令群臣皆賀。所舉四行。從

朱鳥門入而對策焉。

後漢獻帝建安七八年中。長沙醴陵有大山常大鳴。

如牛响聲。積數年後。豫章賊攻沒醴陵縣。殺掠吏民。

晉惠帝元康元年三月。有聲若牛出許昌城。十二月。

廢愍懷太子。幽于許宮。明年賈后遣黃門孫慮殺太

子。擊以藥杵。聲聞于外。是其應也。

蘇峻在歷陽外營。將軍鼓自鳴。如人弄鼓者。峻手自

破之曰。我鄉土時有此。則城空矣。俄而作亂。夷滅。此

聽不聽之罰也。石季龍末。洛陽城西北九里。石牛在

青石趺

反甫于

上忽鳴。聲聞四十里。李龍遣人打落兩

耳及尾。

鐵釘釘

上都定反

四脚。尋而李龍死。孝武太

元十五年。三月己酉朔。東北方有聲如雷。按劉向說。以為雷當託於雲。猶君託於臣。無雲而雷。此君不恤於下。下人將叛之象也。及帝崩而天下漸亂。孫恩桓玄。交陵京邑。

吳興長城。夏架山有石鼓。長丈餘。面徑三尺。所下有盤石為足。鳴則聲如金鼓。三吳有兵至。安帝隆安中大鳴。後有孫恩之亂。

齊武帝永明十一年。七月上不豫。徙御延昌殿。始登

階而殿屋鳴。吒。上惡之。至八月崩。

梁武帝天監四年。十一月。天清朗。西南有電光。有雷聲二。洪範五行傳曰。雷霆託於雲。猶君託於人也。君不恤天下。故人怨叛。是歲交州刺史李凱反。十九年。九月。西北隱隱有聲如雷。赤氣下至地。是歲盜殺東莞琅邪二郡守。以胸山引魏軍。

中大通六年。十二月。西南有聲如雷。其年北梁州刺史蘭欽舉兵反。

陳宣帝太建二年。十二月。西北有聲如雷。其年湘州刺史華皎舉兵反。

齊文宣天保四年四月西南有聲如雷時帝不恤天下興師旅

後周武帝建德六年正月西方有聲如雷未幾吐谷渾寇邊

隋文帝開皇十四年正月旦鄜州連雲山有聲如雷時五羗反叛侵邊二十年無雲而雷京房易飛候曰國將易君下人不靜小人先命國凶有兵甲後數歲帝崩漢王諒舉兵反是年十一月京都大風地大震鼓皆應淨刹寺鐘三鳴佛殿門鎖自開銅像自出戶外鐘鼓自鳴者近鼓妖也楊雄以為人君不聰為

衆所惑空名得進則鼓妖見時獨孤后干政楊素權傾人主帝聽二人之讒黜高熲廢太子勇晉王鈞虛名而見立大業中滄陽石鼓頻歲鳴其後天下大亂兵戎並起

唐武德二年三月太行山聖人崖有聲占曰有寇至三年二月丁丑京師西南有聲如崩山近鼓妖說者以為人君不聰為衆所惑則有聲無形不知所從生天授元年九月檢校內史宗秦客拜日無雲而雷震近鼓妖也開元二十八年六月吐蕃圍安戎城斷水路城東山鳴石圻湧泉二貞元十三年六月丙

寅。天晦。街鼓不鳴。中和二年。十月。西北方無雲而雷。天復三年。十月甲午。有大聲出於宣武節度使廳事。近鼓妖也。

後唐同光三年。九月丁未夜。徧天陰雲。北方有聲如雷。雉皆雊。俗呼曰天狗隊。

宋紹興七年。五月。汴京無雲而雷。是歲偽齊亡。三十年。十月庚戌。晝漏半。無雲而雷。癸亥。日過中。無雲而雷。

淳熙十四年。六月甲申。昧爽。上將禱雨。太一宮乘輿未駕。有大聲發自內。及于和寧門。人馬辟易。相踐藉。有失巾屨者。近鼓妖也。

紹熙二年。温州瑞

安縣感應侯廟。鼓自鳴。後曰。邑有巨寇。昇鼓去。先是鼓上有書曰。鼓響盜長。鼓壞盜敗。寇果以旬日就僂。與晉志隆安石鼓鳴。孫恩同占。

物自動

即五行志所謂木沴金也。志中惟載金石自動。今所載凡非動物而自動者皆入焉。

周威烈王二十三年。九鼎震。金震木動之也。時周室衰微。號令不從。以亂。金氣。鼎者宗廟之寶器。宗廟將遷。故震動也。是歲晉三卿韓魏趙分晉地。王命以為諸侯。其後秦遂滅周而取九鼎。九鼎之震。木沴金。失

衆甚

漢成帝元延元年正月。長安章城門門牡自亡。晉灼曰西

出南頭第一門也。牡是出籥者。師古曰牡所以以下閉者也。亦以鐵為之。非出籥也。

京房易傳

曰。饑而不損。茲謂泰。厥災木。厥咎牡亡妖。辭曰。關動

牡飛。辟為亡道。臣為非。厥咎亂臣謀篡。

易妖傳

故谷

永對曰。章城門。通路寢之路。函谷關距山東之險。城

門。關守國之固。固將去焉。故牡飛也。

平帝元始元

年。二月乙未。義陵寢神衣在柙中。

哀帝陵也

丙申旦。衣在

外牀上。寢令以急變聞。祠以太牢。

王莽地皇元年。

七月。社陵便殿乘輿虎文衣。廢藏。在室匣中者。出自

樹立堂上。良父乃委地。吏卒見者以聞。莽惡之。

魏齊王正始末。河南尹李勝治廳事。有小村。激隋。槎

受石。虜頭斷之。此木沴金也。勝後旬日而敗。

晉惠帝元康八年五月。郊禘壇石中破為二。此木沴

金也。郊禘壇求子之神位。無故自毀。太子將危之妖

也。明年愍懷廢死。

孝武帝太元十年四月。謝安出鎮廣陵。始發石頭。金

鼓無故自破。木沴金之異也。天戒若曰。安徒楊經畧

之聲。終無其實。鉦鼓不用之象也。月餘以疾還而薨。

梁武帝大同十二年。曲阿建陵隧口石。騏驎動。木沴

金也。動者遷移之象。天戒若曰。園陵無主。石麟將為人所移也。後竟國亡。

武帝太清元年。帝捨身光嚴。重雲殿游仙。化生皆震動。三日乃止。當時謂之祥瑞。識者以為非動而動。在洪範為妖。以此石虎之敗。殿壁畫人頸皆縮。入頭之類。

又送辟邪二於建陵。左雙角者至陵所。右獨角者將引於車上。振躍者三。車兩轅俱折。因換車。未至陵二里所。又躍者三。每一振則車側人莫不聳奮。去地三四尺。車輪陷入土三寸。木沴金也。劉向曰。失衆心。令

不行。言不從以亂。金氣也。石為陰。臣象也。臣將為變之應。武帝暮年。君臣唯講經談玄。朝綱紊亂。令不行。言不從之咎也。其後致侯景之亂。元帝承聖二年。正月己卯。江夏宮南門簷牡飛。

後齊河清四年。殿上石自起。兩兩相擊。眭孟以為石陰類下人象。殿上石自起者。左右親人離叛之應。及周師東伐。寵臣尉相願乞扶貴和兄弟之徒。皆叛入

周

周建德元年。濮陽郡有石像。郡官令載向府。將刮取金。在道自躍投地。如此者再。乃以大繩縛著車壁。又

絕繩而下。時帝既滅齊。又事淮南征伐不息。百姓疲
救。失衆心之應也。

唐長壽中。東都天宮寺泥像。皆流汗霰露。神龍中。

東都白馬寺。鐵像頭無故自落於殿門外。

天寶五年。四月。宰臣李適之。常列鼎俎。具膳羞。中夜
鼎躍相闐。不解。鼎耳及足皆折。長慶中。新都大道
觀。泥人生鬚數寸。拔之復生。

後晉開運元年。七月一日夜。大雷雨。明德門內井亭
有石槽。槽有龍首。其夕漂行數步。而龍首斷焉。識者
云。石國姓也。而龍首既斷。大不吉之象。晉祚果終於

開運

宋乾德五年。十一月。許州開元觀老君像自動。知州
宋偓以聞。六年。正月。簡州普通院毗盧佛像自動。
元豐元年。邕州佛像動搖。初像嘗動而交人入寇。又
動而州大火。其後儂智高叛復動。於是知州錢師孟
投之江中。

紹興二年。宣州有鐵佛像。坐高丈餘。自動。迭前迭却。
若偃而就人者數日。既而郡有火。火勝金。火氣盛。金
失其性而為變怪也。二十年。二月。温州戒佛寺有
銅佛像。頂珠自動。光彩激射。終日不少停。數日火作

寺焚與宣州鐵佛同占。皆火沴金也。
淳熙九年春。德興縣民家有鏡自飛舞。與日光相射。

物自壞

即五行志所謂金沴木也。

春秋文公十三年。太室屋壞。近金沴木。木動也。先是冬僖公薨。十六月乃作主。後六月又吉禘於太廟。而致僖公。左氏說曰。登僖於閔上。逆祀也。又末三年而吉禘。前後亂賢父聖祖之太禮。太室屋壞象。魯自是而陵夷。將隋周公之祀也。

漢景帝三年。十二月。吳二城門自傾。大船自覆。劉向

以為近金沴木。木動也。先是吳王濞以太子死於漢。稱疾不朝。陰與楚王戊謀為逆亂。城猶國也。其一門名曰楚門。一門曰魚門。吳地以船為家。以魚為食。天戒若曰。與楚所謀。傾國覆家。吳王不寤。正月。與楚俱起兵。身死國亡。京房易傳曰。上下咸諄。厥妖城門壞。師古曰諄惑也。音布內反。宣帝時。大司馬霍禹所居第門自壞。時禹內不順。外不敬。見戒不改。卒受滅亡之誅。哀帝時。大司馬董賢第門自壞。時賢以私愛居大位。賞賜無度。驕慢不敬。大失臣道。見戒不改。後賢夫妻自殺。家徙合浦。

後漢桓帝延熹五年。太學門無故自壞。襄楷以為太學前疑所居。本傳楷書無前疑之言也。其門自壞。文德將喪。教化廢也。是後天下遂至喪亂。

永康元年十月壬戌。南宮平城門內屋自壞。金沴木木動也。其十二月。宮車晏駕。

靈帝光和元年。南宮平城門內屋武庫屋及外東垣屋前後頓壞。蔡邕對曰。平城門正陽之門與宮連。郊祀法駕所由從出。門之最尊者也。武庫禁兵所藏。東垣庫之外障。易傳曰。小人在位。上下咸悖。厥妖城門內崩。潛潭巴曰。宮瓦自墮。諸侯強陵主。此皆小人之

顯位亂法之咎也。其後黃巾賊先起。東方庫兵大動。皇后同父兄何進為大將軍。同母弟苗為車騎將軍。兄弟並貴盛。皆統兵在京都。其後進欲誅廢中官。為中常侍張讓。段珪等所殺。兵戰宮中。闕下更相誅滅。天下兵大起。

三年二月。公府駐駕廡自壞。南北三十餘間。

中平二年。一月癸亥。廣陽城門外上屋自壞也。

獻帝初平二年。三月。長安宣平城門外屋無故自壞。至三年夏。司徒王允使中郎將呂布殺太師董卓。夷三族。素山松曰。李傕等攻破長安城。害允等。

三族。素山松曰。李傕等攻破長安城。害允等。

素山松曰。李傕等攻破長安城。害允等。

興平元年十月長安市門無故自壞。至二年春李傕
郭汜圍長安中。催迫劫天子移置催塢。盡燒宮室殿
宇。城門官府民舍。放兵寇抄公卿以下。

魏文帝黃初七年正月。幸許昌。城南門無故自崩。帝
心惡之。遂不入還洛陽。此金沴木木之動也。五月。宮
車晏駕。京房易傳曰。上下咸悖。厥妖也。城門壞。

晉武帝太康五年五月。宣帝廟地陷。梁折。八年。正
月。太廟殿又陷。改作廟基及泉。其年九月。遂更營新
廟。遠致名材。雜以銅柱。至十年四月乃成。十一月庚
寅。梁又折。天戒若曰。地陷者。分離之象。梁折木不曲。

直也。明年。帝崩。王室遂亂。惠帝太安二年。成都王
穎使陸機率衆向京師。擊長沙王乂。軍始引而牙竿
折。俄而戰敗。機誅穎奔死。

晉元帝大興二年六月。吳郡米廡無故自壞。天戒若
曰。夫米廡。貨衆之屋。無故自壞。此五穀踴貴。所以無
衆賣也。是歲遂大饑。死者千人焉。

明帝大寧元年。周逵自歸。王敦既立。其宅宇所起五
間六梁。一時躍出墜地。餘桁猶亘柱頭。此金沴木也。
明年五月。錢鳳謀亂。遂族滅逵。而湖熟尋亦為墟矣。
安帝元興元年五月。景子會稽王世子元顯將討桓

玄。建牙竿於揚州南門。其東者難立。良久乃正。近於
妖也。而元顯尋為玄所擒。三年五月。樂賢堂壞。時
帝罷眊無樂賢之心。故此堂見診。

義熙九年五月。國子聖堂壞。天戒若曰。聖堂禮樂之
本。無故壞。業祚將墜之象。未及十年而禪位焉。

陳文帝天嘉六年秋七月。儀賢堂無故自壓。近金沱
木也。時帝盛脩宮室。百姓失業。故木失其性。後主

禎明元年六月。宮內水殿。若有刀鋸斫伐之聲。其殿
因無故而倒。七月。朱雀航又無故自沉。時後主盛修
園囿。不度宗廟水殿者。遊宴之所。朱雀航者。國門之

大路。無故自壞。天戒若曰。宮室毀。津路絕。後竟為隋
所滅。宗廟為墟。

後齊孝昭帝將誅楊愔。乘車向省。入東門。慄竿無故
自折。帝甚惡之。歲餘而崩。

河清三年。長廣郡聽事。梁忽剝若人狀。太守惡而削
去之。明日復然。長廣帝本封也。木為變。不祥之兆。其
年帝崩。

武平七年秋。穆后將入晉陽。向北宮。辭胡太后。至宮
內門。所乘七寶車。無故陷入於地。牛沒四足。是歲齊
滅。后被虜於長安。

後周建德六年。青城門無故自崩。青者東方色。春宮之象也。時皇太子無威儀禮節。青城門無故自崩者。皇太子不勝任之應。帝不悟。明年。太子嗣立。果為無道。周室危亡。寔自此始。

隋大業中。齊王暕於東都起第。新構寢堂。其楹無故而折。時上無太子。天下皆以暕次當立。公卿屬望。暕遂驕恣。呼術者令相。又為厭勝之事。堂祇無故自折。木失其性。奸謀之應也。天見變以戒之。暕不悟。後竟得罪於帝。

唐武德元年。八月戊戌。突厥始畢可汗衙帳無故自

壞。中宗即位。金雞竿折。雞竿所以肆赦。始登大號而雞竿折。不祥。神龍中。有群狐入御史大夫李承

嘉第。其堂無故壞。又秉筆而管直裂。易之又裂。開

元五年。正月癸卯。太廟四室壞。天寶十四載。哥舒

翰帥師守潼關。前軍啓行。牙門旗至坊門。觸落槍刃。

衆以為不祥。永泰二年。三月辛酉。中書敕庫壞。

貞元四年。正月庚戌朔。德宗御含元殿受朝賀。質明。

殿階及欄檻三十餘間自壞。衛士死者十餘人。含元

路寢大朝會之所御也。正月朔。一歲之元。王者之事

天。所以儆者重矣。太和九年。鄭注為鳳翔節度使。

將之鎮。出開遠門。旗竿折。光啓初。揚州府署門屋自壞。故隋之行臺門也。制度甚宏麗云。
宋紹興三年八月辛亥。尚書省後樓屋無故自壞。

文獻通考卷之三百七

文獻通考卷之三百八

鄱陽 馬端臨 貴與 著

物異考

人異

按傳曰。皇之不極。厥罰常陰。時則有下人伐上之病。昌邑王時。霍光將議廢立。而夏侯勝援此以諫。王出遊。光與張安世疑謀已泄。而驚異其說。然則所謂下人伐上之病。乃犯上反叛之謂。然歷代史志。只謂之人病。而所載者。則形體之妖異。或舉動言語之狂惑。或化為異物。或已死

復生。殊不及叛逆之事。蓋人痾者，妖也。叛逆者，其應也。又下而犯上，臣而背君，其妖孰甚焉。故

摠謂之人痾云。

春秋文公十一年，敗狄於鹹。師古曰：鹹，魯地也。穀梁公羊傳

曰：長狄鄭古曰：防風之後，漆姓也。國號兄弟三人。一

者之魯。師古曰：魯為叔孫得臣所獲。一者之齊。師古曰：榮如

年伐齊為王所獲。一者之晉。師古曰：焚如也。宣十五年皆殺

之。身橫九晦。師古曰：晦，斷其首而載之肩，見於軾。古師

前橫木車。何以書記異也。劉向以為是時周室衰微，三

國為大，可責者也。天戒若曰：不行禮義，大為夷狄之

行，將致危亡。其後三國皆有篡弑之禍。師古曰：謂魯

弑惡及視而立。宣公齊連稱管至父弑襄公。近下人

伐上之痾也。劉歆以為人變屬黃祥。一曰屬羸蟲之

孽。一曰：天地之性，人為貴。凡人為變，皆屬黃極。下人

伐上之痾云。京房易傳曰：君暴亂，疾有道，厥妖長狄

入國。又曰：豐其屋，下獨苦。師古曰：豐其屋，易豐卦。長

狄生，世主虜。

史記秦始皇帝二十六年，有大人長五丈，足履六尺。

皆夷狄服。凡十二人見於臨洮。師古曰：隴西之天戒

若曰：勿大為夷狄之行，將受其禍。是歲始皇初并六

國反喜以為瑞。銷天下兵器。作金人十二以象之。遂自賢聖。燔詩書。阬儒士。奢淫暴虐。務欲廣地。南戍五嶺。北築長城。以備胡越。師古曰五嶺。在張耳陳餘傳。斬山填谷。西起臨洮。東至遼東。徑數千里。故大人見於臨洮。明禍亂之起。後十四年而秦亡。亡自戍卒陳勝發。史記。魏襄王十三年。魏有女子化為丈夫。京房易傳曰。女子化為丈夫。茲謂陰昌。賤人為王。丈夫化為女子。茲謂陰勝。厥咎亡。一曰。男化為女。官刑濫也。如淳曰。官刑。濫也。行女化男。婦政行也。

赧王三十一年。齊有人當闕而哭者。求之不得。去則

聞其聲。時燕昭王伐齊。齊湣王出奔。為楚將淖齒所弑。

秦始皇三十六年。鄭客從關東來。至華陰。望見素車

白馬。從華山上下。知其非人道。住止而待之。遂至持

璧與客曰。為我遺鎬池君。長安西北有鎬池。君則也。神也。江神告之。因言

今年祖龍死。祖始也。龍人君。象謂始也。皇也。忽不見。客奉璧。始皇使

御史視之。即二十八年過江所湛璧也。默然良久曰。

山鬼不過知一歲事也。漢高祖為亭長。送徒驪山。

被酒。夜徑澤中。有大蛇當徑。乃拔劍斬蛇。後人來至

蛇所。有一老嫗夜哭。人問之曰。吾子白帝子也。化為

蛇當道。今者赤帝子斬之。故哭。人以嫗為不誠。欲苦之。嫗因忽不見。後人告高祖。高祖心獨喜。自負諸從者。日益畏之。

漢景帝二年九月。膠東下密人年七十餘生角。角有毛。時膠西濟南齊四王有舉兵反謀。謀由吳王濞起。連楚趙凡七國。下密縣居四齊之中。角。兵象。上鄉者也。老人。吳王象也。年七十七。國象也。天戒若曰。人不當生角。猶諸侯不當舉兵以鄉京師也。禍從老人生。七國俱敗云。京房易傳曰。家宰專政。厥妖人生角。武帝征和元年。上居建章宮。見一男子帶劍入中龍。

華門疑其異人。命收之。男子捐劍走。逐之弗獲。上怒。斬門候。冬十一月。發三輔騎士大搜上林。閉長安城門索。十一日乃解。巫蠱始起。

哀帝建平中。豫章有男子化為女子。嫁為人婦。生一子。長安陳鳳言此陽變為陰。將亡。繼嗣自相生之象。一曰。嫁為人婦。生一子者。將復一世乃絕。哀帝建

平四年。四月。山陽方與女子田無嗇生子。師古曰。方與者。山陽

之縣也。女子姓田名無嗇。方與音房。豫先未生。二月。兒嘔腹中。及生不

舉。葬之陌上。三日。人過聞嘔聲。母掘收養。平帝元

始元年。二月。朔方廣牧女子趙春病死。師古曰。朔方之縣也。

姓趙。斂棺積六日。師古曰斂音力。反棺音工。喚音反。出在棺外。自言

見夫死。父曰年二十七不當死。太守譚以聞。京房易

傳曰。幹父之蠱。有子考亡。咎。韋昭曰蠱事也。子能正

不為咎。累師古曰易。蠱卦初六爻辭也。子三年不改父道。思慕不皇。亦

重見先人之非。師古曰言以有不善之事。當速改之。若唯思慕而已。無所變易。是重顯先

人之非也。一曰三年之內。但思慕而已。不暇見父之非。故不改也。重音直。用反。不則為私死。

妖人死復生。一曰至陰為陽。下人為上。六月。長安女

子有生兒兩頭。異頸面相鄉。四臂共胸。俱前鄉。師古曰鄉

讀曰尻上有目長二寸。所京房易傳曰。睽孤見豕負

塗。師古曰易睽卦上九爻辭音苦。攜反。厥妖人生兩頭。

下相攘善。妖亦同人。若六畜首目在下。茲謂亡上。正

將變更。凡妖之作。以譴失正。各象其類。二首。下不一

也。足多。所任邪也。足少。下不勝任。或不任下也。凡下

體生於上。不敬也。上體生於下。媒瀆也。生非其類。淫

亂也。人生而大。上速成也。生而能言。好虛也。群妖推

此類不改。乃成凶也。

王莽始建國二年。甄豐子尋坐偽作符命誅。黨與死

者數百人。尋手理有天子字。莽解其臂入視之。曰。此

一大子也。或一六子也。六者戮也。明尋父子當戮死

也。是歲池陽縣有小人。景長尺餘。或乘車馬。或步

行操持萬物大小多相稱車馬及物皆三日止。天

鳳四年連率韓博上言有奇士長丈大十圍來至

府曰欲奮擊胡虜謂巨毋霸出於蓬萊東南五城西

北昭如海瀕昭如海名也輶車不能載三馬不能勝即日

以大車四馬建虎旗載霸詣闕霸卧則枕鼓以鐵著

食乞迎之於道京師門戶不容者開高大之以視百

蠻

後漢靈帝建寧三年春河內婦食夫河南夫食婦昭

曰以夫之尊在河之陽而陰承體卑吞食尊陽將非

君道昏弱無居剛之德遂為陰細之人所能消毀乎

夫為一家之主而乃自食正內之人時宋皇后將立而

靈帝一聽閹官無所厝心宋后終廢天戚若曰徒隨

廢豎之意夫二年雒陽上西門外女子生兒兩頭異

肩共曾俱前向以為不祥隋地棄之自此之後朝廷

霧亂政在私門上下無別二頭之象後董卓試太后

被以不孝之名放廢天子後復害之漢元以來禍莫

踰此

四年魏郡男子張博送鐵盧詣太官博上書室殿山

居屋後宮禁落屋謹呼上收縛考問辭忽不自覺知

目昭曰魏人入宮既奪漢之徵

中平元年六月壬申雒陽男子劉倉居上西門外妻

生男兩頭共身靈帝時江夏黃氏之母浴而化為

龜入于深淵。其後時出見。初浴簪一銀釵。及見猶在

其首。臣昭曰黃者代漢之色。女人臣妾之體。化為龜

見九五飛在于天。乃備光盛。俯等龜。龜有愧。潛躍首從。戴釵甲弱。未盡。

獻帝初平中。長沙有人姓桓氏死。棺斂月餘。其母聞

棺中聲。發之。遂生。占曰。至陰為陽。下人為上。其後曹

公由庶士起。

建安四年。二月。武陵充縣女子李娥。年六十餘。物故。

其家以杉木槨斂。墓於城外數里。上巳十四日。有行

者聞冢中有聲。便語其家。其家往視。聞聲。便發出。遂

活。

七年。越雋有男子化為女子。時周群上言。哀帝時亦

有此異。將有易代之事。至二十五年。獻帝封于山陽。

建安中。女子生男。兩頭共身。

魏文帝黃初初。河清宋士宗母。化為鰲入水。明帝

太和三年。曹休部曲丘奚農女死復生。時有開周世

冢。得殉葬女子。數日而有氣。數月而能言。郭太后愛

養之。又太原人發冢破棺。棺中有一主婦人。問其本

事。不知也。視其墓木可三十歲。按京房易傳曰。至陰

為陽。下人為上。宣帝起之象也。漢平帝。獻帝。並有此

異。占以為王莽曹操之證。青龍元年。并州刺史畢

軌送漢故渡遼將軍范明友鮮卑奴年三百五十歲。言品飲食如常人。奴云霍顯光後小妻明友妻光前妻女。時京邑有一人失其姓名。食啖兼十許人。遂肥不能動。其父曾作遠方長吏。官徒送彼縣令。故義傳供食之。一二年中。一鄉輒為之儉。

三年中。壽春農氏妻自言為天神所下。命為登女。當營衛帝室。蠲邪納福。飲人以水。及以洗創。或多愈者。於是立館後宮。下詔稱揚。甚見優寵。及景初二年。帝疾飲水無驗。以致大漸。於是斬焉。元帝咸寧二年。八月。襄武縣言有大人見。長三文餘。跡長三尺二寸。

髮白著黃巾。單衣拄杖。呼王始語曰。今當太平。晉尋代魏。

吳孫休時。烏程人有得困病。及瘥。能以嚮言者。言於此而聞於彼。自其所聽之。不覺其聲之大也。自遠聽之。如人對言。不覺聲之自遠來也。聲之所往。隨其所向。遠者所過十數里。其隣人有責息於外。歷年不還。乃假之。使為責讓。懼以禍福。負物者以為鬼神。即顛倒界之。其人亦自不知所以然也。

按此事。晉史置之言不從條下。然此妖異也。故今移置之。人病門云。

孫休永安四年。安吳氏陳焦死。七日復生。穿冢出。于寶曰。此與漢宣帝同事。烏程侯皓承廢故之家。得位之祥也。孫皓寶鼎元年。丹陽宣騫母年八十。因浴化為黿。兄弟閉戶衛之。拙堂上作一大坎。實水其中。黿入坎遊戲。一二日。恒延頸外望。伺戶小開。便輪轉自躍入于遠潭。遂不復還。與漢靈帝時黃氏母事同。吳亡之象也。

晉武帝泰始五年。城人年七十生角。殆趙王倫篡亂之象也。咸寧二年。十二月。琅邪人顏畿病死。棺斂已久。家人咸夢畿謂已曰。我當復生。可急開棺。遂出。

之。漸能飲食。屈伸視瞻。不能行語。二年復死。京房易傳曰。至陰為陽。下人為上。厥妖人死復生。其後劉石僭逆。遂亡晉室。下為上之應也。

惠帝元康中。安豐有女子周世寧。八歲漸化為男子。至十七八而氣性成。京房易傳曰。女子化為丈夫。茲謂陰昌。賤人為王。此亦劉石覆蕩天下之妖也。元

康中。梁國女子許嫁。已受禮聘。尋而其夫戍長安。經年不歸。女家更以適人。女不樂行。其父母逼強。不得而去。尋病亡。後其夫還。問其女所在。其家具說之。其夫逕至女墓。不勝哀情。便發冢開棺。女遂活。因與歸。

家。後恐聞知。詣官爭之。所在不能決。祕書郎王導議曰。此是非常事。不得以常理斷之。宜還前夫朝廷從其議。

惠帝世。杜錫家葬。而婢誤不得出。後十年。開冢祔葬。而婢尚生。始如瞑。有頃漸覺。問之。自謂再宿爾。初婢之埋。年十五六。及開冢更生。猶十五六也。嫁之有子。光熙元年。會稽謝真生子。頭大而有髮。兩蹠反石反向上。有男女兩體。生便作文夫聲。經一日死。此皇之不極。下人伐上之病。於是諸王有僭亂之象也。惠帝之世。京洛有人兼男女體。亦能兩用人道。而性

尤淫。此亂氣所生。自咸寧太康之後。男寵大興。甚於女色。士大夫莫不尚之。天下相倣倣。或至夫婦離絕。多生怨曠。故男女氣亂而妖形之作也。

懷帝永嘉元年。吳郡吳縣萬祥婢生子。鳥頭兩足。馬蹄。一手無。尾黃色大如枕。此亦人妖亂之象也。五年。五月。抱罕令嚴根妓產一龍一女一戴。京房易傳曰。人生他物。非人所見者。皆為天下大兵。是時帝承惠皇之後。四海沸騰。尋而陷於平陽。為逆胡所害。此其徵也。

愍帝建興四年。新蔡縣吏任僑妻產二女。腹與心相

合。自胷以上臍以下。各分。此蓋天下未一之妖也。時內史呂會上言。按瑞應圖。異根同體。謂之連理。異畝同穎。謂之嘉禾。草木之異。猶以為瑞。今二人同心。易稱二人同心。其利斷金。蓋四海同心之瑞也。時皆哂之。俄而四海分崩。帝亦淪沒。

元帝大興初。有女子其陰在腹。當臍下。自中國來。至江東。其性淫而不產。又有女子陰在首。渡在揚州。性亦淫。京房易傳曰。人生子陰在首。天下大亂。在腹。天下有事。在背。天下無後。于時王敦據上流。將欲為亂。是其徵。

三年十二月。尚書駟謝平妻生女。墮地。鼻鼻匹備反有聲。須臾便死。鼻目皆在頂上。面處如項口。有齒。都連為一。曾如鼈。手足爪如鳥爪。皆下勾。此亦人生他物。非人所見者。後二年。有石頭之敗。

明帝太寧二年。七月。丹陽江寧侯紀妻死。經三日復生。

成帝咸康五年。四月。下邳民王和僑居暨居未反陽。息

女可年二十。自云上天來。還得徵瑞印綬。當母天下。

晉陵太守以為妖。收付獄。至十一月。有人持柘之夜反

杖絳衣。詣止車門口。列為人使求見天子。門候受辭。

辭稱姓呂名賜。其言王和女。可右足下有七星。星皆有毛長七寸。天今命可為天下母。奏聞即伏誅。并下晉陵誅可。

康帝建元二年十月。衛將軍營督過望。所領兵陳瀆女臺。有文在其足曰。天下之母。灸之愈明。京都誼譁。有司收繫以聞。俄自建康縣獄亡去。明年帝崩。獻后臨朝。此其祥也。

孝武帝寧康初。南郡州陵女唐氏。漸化為丈夫。

安帝義熙七年。無錫人趙末年八歲。一旦暴長八尺。

鬚鬚。上即移反。下相俞反。蔚蔚然。三日而死。義熙中。東陽人

莫氏。生女不養。埋之數日。於土中啼。取養遂活。義

熙末。豫章吳平人。有二陽道。重累生。

恭帝元熙元年。建安人陽道無頭正平。本下作女人

形體

劉聰子約死。一指猶暖。遂不殯殮。及蘇。言見元海

於不周山。經五日而遂復。從至崑崙山。三日而復

返於不周。見諸王公卿將相。死者悉在。宮室甚壯

麗。號曰蒙珠離國。元海謂約曰。東北有遮須夷國

無主。久待汝父為之。汝父後三年當來。來後國中

大亂相殺害。居家死亡略盡。但可永明輩十數人

在耳。汝宜還。後年當來見汝。不久。約拜辭而回。道過一國。曰。猗尼渠。餘國。引約入宮。與約皮囊一枚。曰。為吾遺漢皇帝。約辭而歸。謂約曰。劉郎。後年來必見過。當以小女妻之。約歸。置皮囊於机上。俄而蘇使左右机上取皮囊。開視之。有一方白玉題文。曰。猗尼渠。餘國天王。敬信遮須夷國天王。歲在揖提。當相見也。馳使呈聰。聰曰。若審如此。吾不懼死也。及聰死。與此玉并葬焉。符健時。新平有長人。見語百姓張靖曰。符氏應天受命。今當太平。外面者歸中而安泰。問姓名弗答。俄而不見。新平令以聞。健以為妖。下靖獄。會大雨霖。河渭溢。浦津監寇登。得一履於河。長七尺三寸。人跡稱之。指長尺餘。文深一寸。健歎曰。覆載之中。何所不有。張靖所見。定不虛也。乃赦之。

宋明帝泰豫元年。正月丁巳。巨人跡見西池水上。

梁武帝時。海中浮鵠山。去餘姚岸可千餘里。上有女人年三百歲。有女官道士四五百人。年並出百。但在山學道。遣使獻紅席。帝方捨身時。其使適至云。此草常有紅鳥居下。故以為名。觀其圖狀。則鸞鳥也。時又有男子不知何許人。於大眾中。自割身以飴饑鳥。血

流徧體而顏色不變。又沙門智泉鐵鈎挂體以燃千燈。一日一夜端坐不動。

太清元年丹陽有莫氏妻生男。眼在頂上大如兩歲兒。隨地而言曰。兒是旱疫鬼。不得住。汝當令我得過。疫鬼曰。有上官何得自由。母可急作絳帽。故當無憂。母不暇作帽。以絳繫髮。自是旱疫者二年。揚徐兗豫尤甚。莫氏鄉隣多以絳免。他土效之無驗。簡文大寶二年。京口人於葺兒年五歲。登城西南角大樓。打鼓作長江搥鼓兵象也。時侯景亂江南。元帝承聖元年十二月。天門山獲野人。出山三日而死。

陳武帝永定三年。有人長三丈。見羅浮山。通身潔白。衣服楚麗。京房易傳曰。長人見亡。後二歲帝崩。後主為太子時。有婦人突入東宮。而大言曰。畢國主。後主立而祚終之應也。至德三年八月。建康人家婢死。埋之九日而更生。有牧牛人聞而出之。禎明二年。有神自稱老子。游於都下。與人對語而不見行。言吉凶多驗。得酒輒酌之。經三四年乃去。有船下忽聞人言曰。明年亂。視之得死嬰兒。長三尺而無頭。明年陳亡。

後魏太武大延元年。有鄙婦人持方寸玉印。詣潞縣

侯孫家既而亡去。莫知所在。印有三字為龍鳥之形。要妙竒巧。不類人跡。文曰。早疫平。

後齊天保中。臨漳有婦人產子。二頭共體。是後政由奸佞。上下無別。兩頭之應也。

河清四年。有神見於後園萬壽堂前山穴中。其體壯大。不辨其面。兩齒絕白。長出於唇。帝直宿嬪御已下。七百人咸見焉。帝又夢之。

後主咸平五年。大旱。晉陽得死魃。長二尺。面頂各二目。帝聞之。使刻木為其形以獻。

後周保定三年。有人產子。男陰在背上如尾。兩足指如獸爪。陰不當生於背而生者。陰陽反覆。君臣顛倒之象也。人足不當有爪而有者。將致攫人之變也。時晉公護專政。征伐自己。陰懷篡逆。帝誅之。

武帝時有強練者。佯狂持一瓢。至晉蕩公護門。而擊破之。曰。身尚可。子苦矣。時護專政。因朝太后。帝擊殺之。發兵捕其諸子。皆備楚毒而死。強練又行乞於市。人或遺之粟。麥輒以無底帑受之。因大笑曰。盛空。未幾。周滅高祖。移都長安。城為墟矣。

開皇六年。霍州有老翁化為猛獸。七年。相州有桑門變為蛇尾。繞樹而自抽。長二丈許。

仁壽四年。有人長數丈。見於應門。其迹長四尺五寸。其年帝崩。

大業元年。鴈門人房回安母年百歲。額上生角長二寸。洪範五行傳曰。婦人。陰象也。角。兵象也。下反上之應。是後天下果大亂。陰戎圍帝於鴈門。

四年。鴈門宋谷村。有婦人生一肉卵。大如斗。埋之。後數日。所埋處雲霧盡合。從地雷震而上。視之。洞穴。失卵所在。

六年。趙郡李來王家。有婢產一物。大如卵。

六年。正月朔旦。有盜衣白練裙襦。手持香花。自稱彌勒佛出世。入建國門。奪衛士仗。將為亂。齊王暕遇而斬之。後三年。揚玄感作亂。引兵圍洛陽。戰敗。乃伏誅。八年。有澄公者。若狂人。於東都大叫唱賊。帝聞而惡之。明年。玄感作亂。舉兵圍洛陽。十二年。澄公又叫賊。李密逼東都。孟讓燒豐都市而去。

九年。帝在高陽。唐縣人宋子賢。善為幻術。每夜樓上。有光明。能變作佛形。自稱彌勒出世。又懸大鏡於堂上。紙素上畫為地為獸及人形。有人來禮謁者。轉側其鏡。遣觀來生形像。或映見紙上地形。子賢輒告云。

此罪業也。當更禮念。又令禮謁。乃轉人形。京之遠近。惑信。日數百千人。遂潛謀作亂。將為無遮佛會。因舉兵。欲襲擊乘輿。事泄。鷹揚郎將以兵捕之。夜至其所。遠其所居。但見火坑。兵不敢進。郎將曰。此地素無坑。止妖妄耳。及進。無復火矣。遂擒斬之。并坐其黨與千餘家。其後復有桑門向海明。於扶風。自稱彌勒佛出世。潛謀逆亂。人有歸心者。輒獲吉夢。由是人皆惑之。三輔之士。翕然稱為大聖。因舉兵反。眾至數萬。官軍擊破之。京房易飛候曰。妖言動眾者。茲謂不信。路無人行。不出三年起兵。自是天下大亂。路無人行。

唐武德四年。太原尼志覺死十日而蘇。貞觀十九年。衛州人劉道安。頭生肉角。隱見不常。因以惑眾。伏誅。角兵象。肉不可以觸者。

永徽六年。淄州高苑民吳威妻。嘉州民辛道護妻。皆一產四男。凡物反常。則為妖。亦陰氣盛。則母道壯也。顯慶三年。普州有人化為虎。虎猛噬而不仁。儀鳳三年。四月。涇州獻二小兒。連心異體。初鶉觚縣衛士胡萬年妻吳。生一男一女。其胸相連。餘各異體。乃析之。則皆死。又產復然。俱男也。遂育之。至是四歲。以獻于朝。永隆元年。長安獲女魃。長尺有二寸。其狀怪。

異詩曰。旱魃為虐。如快如焚。是歲秋不雨。至于明年正月。永隆二年。九月。萬年縣女子劉凝靜。衣白衣。從者數人。升太史令廳。問此有何災異。令執之以聞。是以彗星見。太史司天文曆候。王者所以奉若天道。恭授民時者。非女子所當問。載初中。涪州民范端。化為虎。神功元年。二月庚子。有人走入端門。又入則天門。至通天宮閣。及伏衛不之覺。時來俊臣婢產肉塊如二升器。剖之有赤蟲。湏臾化為蜂。螫人而去。久視二年。正月。成州有大人跡見。長安中。郴州左史因病化為虎。欲食其嫂。擒之。乃人也。雖未全化而虎

毛生矣。

太極元年。狂人段萬謙。潛入承天門。登太極殿。升御牀。自稱天子。且言我李安國也。人相我年三十二。當為天子。開元二十三年。四月。冀州獻長人李家寵。八尺有五寸。大曆十年。二月。昭應婦人張。產一男。二女。貞元八年。正月丁亥。許州人李狗兒。持杖上含元殿。擊欄檻。伏誅。十年。四月。恒州有巨人跡見。十五年。正月戊申。狂人劉忠。詣銀臺。稱白起。令上表。天下有火災。十七年。十一月。翰林待詔戴少平死。十。有六日而蘇。是歲宣州南陵縣丞李嶷死。已殯三

十日而蘇。元和二年。商州洪崖治役夫。將化為虎。衆以水沃之。不果化。長慶四年。三月。民徐忠信潛入玉堂門。寶曆二年。十二月。延州人賀文妻。一產四男。大和二年。十月。狂人劉德廣入含元殿。咸通七年。渭州有人生角寸許。占曰。天下有兵。十三年。四月。太原晉陽民家有嬰兒。兩頭異頸。四手聯足。此天下不一之妖。是歲。民皇甫及。年十四。暴長七尺餘。長啜大嚼。三倍如初。歲餘死。乾符六年。秋。蜀郡婦人尹生子。首如豕目。在臍下。占曰。君失道。光啓元年。隰州溫泉民家有死者。既葬。且半月。行人聞聲呼地下。其家發之。則復生。歲餘乃死。二年春。鳳翔郿縣女子。未齒化為丈夫。旬日而死。京房易傳曰。茲謂陰昌。賊人為王。大順元年。六月。資州兵王全義妻如孕。覺物漸下入股。至足。大拇痛甚。拆而生珠如彈丸。漸長大如杯。天祐二年。五月。潁州汝陰民彭文妻。一產三男。

蜀王建元年。巨人見青城山

南漢劉鋹時。南海民妻生子。兩首四臂

宋自建隆元年。至天禧四年。郡縣上言。民妻產三男者。凡一百九。產四男者。凡三。產一男三女者。二。產二

男一女者一

建隆三年。齊州晉州大旱。民家多生魃。太平興國九年。揚州揚子縣民妻生男。毛被體半寸餘。面長頂高。鵞肩眉毫。鹿密。近髮際有毛兩道。軟長。眼微紫唇紅厚耳。鼻大類胡僧。至三歲畫圖以獻。淳化元年。八月。汾州悉達院僧智嚴頭生角。可長三寸。天禧四年。七月。衡州耒陽縣民張中妻產三男。其一額有白誌方寸餘。上生白髮。天聖至治平。婦人生四男者二。生三男者四十四。生二男一女者一。說者曰。天下安寧。人民蕃息之驗也。

熙寧元年。距元豐七年。郡邑民家生三男者八十四。而四男者一。二男一女者一。元豐八年至元符二年。生三男者十八。而四男者二。三男一女者一。元符三年至靖康。生三男者十九。四男者一。宣和六年。都城有賣青果男子李而誕子。蓐母不能收。易七人始免而逃去。又有酒肆號豐樂樓。酒保朱氏子之妻。可四十餘。楚州人。忽生髭長僅六七寸。疏秀而美。宛然一男子。特詔度為女道士。

紹興三年。建康府桐林灣人。產兒肉角有齒。角兵象肉。不可以觸者。是歲人多產鱗毛。皆人痾也。紹興二

十年。八月。洋州真符縣民家一產三男。隆興元年。建康民流寓行都。產子二首。具羽毛之形。乾道五年。衡湘間有人化為虎者。與唐志顯慶三年人痾同占。餘杭縣民婦產子青而毛。二肉角。又有二家婦產子毛角亦如之。皆連體兩面相鄉。鄉與鄉同三家纔相去一二里。痾氣同所鍾也。又潮州城西婦孕過期產兒如指大。五體皆具者百餘。蠕蠕能動。人痾之異也。淳熙十年。鄱陽南鄉民產子兩肘。各有二臂。長十五歲。每鬪則六臂並運。十三年。行都有人死十四日復生。十一月辛未。鄧家巷民婦產肉塊三。其一直目而橫口。十

四年。六月。臨安府浦頭民產子生而能言。四日暴長四尺。紹熙元年。平江府崑山縣石工採石而山摧工壓焉。三年。六月。他工採石鄰山聞其聲呼相應。答如平生。報其家。鑿石出之。見其妻喜曰。久閉乍風肌如裂。俄頃聲微。噤不語。化為石人。貌如生。慶元元年。饒州樂平民產子。人體有尾。永州民產兒首有角。腋有肉翅。二年。七月。隆興府進賢縣民產子亦如之。而面有三目。嘉定元年。四月。鎮江後軍妻生子。一身二首四臂。晉志謂中原分裂。應此人痾也。後數年。金人失中原。

文獻通考卷之三百八

文獻通考卷之三百九

鄱陽 馬端臨 貴與 著

物異考

詩異

春秋左氏傳。晉獻公時。童謠曰。丙之辰。龍尾伏辰。禴

服。振振取。緜之旂。師古曰。徒歌曰謠。禴音均。又

振音弋。春反。人反。鷦之賁賁。天策焯焯。火中成軍。虢公

其犇。師古曰。犇者奔。焯音吐。是時虢為小國。介

夏陽之阬。怙虞國之助。師古曰。介隔也。亢衡於晉。有炕

陽之節。失臣下之心。晉獻伐之。問於卜偃曰。吾

其濟乎。師古曰卜者偃晉偃以童謠對曰克之十

月朔丙子旦日在尾月在策鶉火中必此時也。

冬十二月丙子朔晉師滅虢虢公醜犇周周十

二月夏十月也言天者以夏正。史記晉惠公

時童謠曰恭太子更葬子後十四年晉亦不昌。

昌廼在其兄是時惠公賴秦力而立立而背秦

內殺二大夫。師古曰謂國人不說。師古曰說及

更葬其兄恭太子申生而不敬故詩妖作也。後

與秦戰為秦所獲立十四年而死晉人絕之更

立其兄重耳是為文公遂伯諸侯。師古曰伯

左氏傳文成之世童謠曰鸛之鶴之公出辱之。

師古曰鸛音欲鸛音欲鸛之羽公在外野往饋之馬。師古曰

餉音饋亦鸛之跡公在乾侯。臣瓚曰乾侯在魏

跡音跡跳行貌也徵褰與襦。師古曰徵求也褰褰

服之鸛之巢遠哉搖搖。師古曰搖搖裋父喪勞。

宋父以驕。師古曰裋甫宋甫也言昭公欲去季氏

不遂而出故曰喪勞定公無鸛之跡往歌來

哭。師古曰謂昭公生時至昭公時有鸛之跡來

公攻季氏敗出奔齊居外野次乾侯八年死于

外歸葬魯昭公名裋公子宋立是為定公

漢元帝時童謠曰井水溢滅竈煙灌玉堂流金門至
成帝建始二年三月戊子北宮中井泉稍上溢
出南流象春秋時先有鸚鵡之謠而後有來巢
之驗井水陰也竈煙陽也玉堂金門至尊之居
象陰盛而滅陽竊有宮室之應也王莽生於元
帝初元四年至成帝封侯為三公輔政因以篡
位成帝時童謠曰燕燕尾涎涎師古曰涎涎
光澤貌也音
徒見張公子時相見木門倉琅根燕飛來啄皇
孫皇孫死燕啄矢其後帝為微行出遊常與富
平侯張放俱稱富平侯家人過河陽主作樂見

舞者趙飛燕而幸之故曰燕燕尾涎涎羨好貌
也張公子謂富平侯也木門倉琅根謂宮銅鏤

師古曰門之鋪首及銅鏤也銅色青故曰
倉琅鋪首銜鏤故謂之根鏤讀與環同言將

尊貴也後遂立為皇后弟昭儀賊害後宮皇子
卒皆伏辜所謂燕飛來啄皇孫皇孫死燕啄矢
者也成帝時謠又曰邪徑敗良田讒口亂
善人桂樹華不實黃爵巢其顛古為人所羨今
為人所憐桂赤色漢家象華不實無繼嗣也王
莽自謂黃象黃爵巢其顛也後漢更始時南
陽有童謠曰諧不諧在赤眉得不得在河北是

時更始在長安。世祖為大司馬。平定河北。後更始為赤眉所殺。世祖自河北興。世祖建武元年。帝先在長安時。同舍生疆華。自關中奉赤伏符曰。劉秀發兵捕不道。四夷雲集龍鬪野。四七之際火為主。四七二八年自高祖至光武初起合二百二十八年即四七之際也。漢火德故也。火為主也。群臣奏以為受命之符。光武乃命有司設壇場。以六月己未。即皇帝位于鄗。改鄗為高邑。建武六年。蜀有童謠曰。黃牛白腹。五銖當復。是時公孫述僭號於蜀。時人竊言王莽稱黃。述欲繼之。故稱白。五銖。漢家貨。明當復也。

述遂誅滅王莽末。天水童謠曰。出吳門。望緹群。見一蹇人。言欲上天。今天可上。地上安得民。時隗囂初起兵於天水。後意稍廣。欲為天子。遂破滅。囂少病蹇。吳門。冀郭門名也。緹群。山名也。

順帝之末。京都童謠曰。直如弦。死道邊。曲如鉤。反封侯。案順帝即世。孝質短祚。太將軍梁冀貪樹疏幼。久專國柄。太尉李固。以清河王年長有德。欲立之。冀白太后。策免固而立栢帝。固是月幽斃于獄。暴尸道路。而胡廣。趙戒。袁湯。俱封侯云。栢帝初。天下童謠曰。小麥青青大麥枯。誰當獲

者婦與姑。丈夫何在。西擊胡。吏買馬。君具車。請為諸君。鼓隴胡。案元嘉中。涼州諸羗俱反。大為民害。命將出衆。每戰常負。中國益發甲卒。麥多委棄。但有婦女收獲。吏買馬。君具車者。言調發重。及有秩者也。請為諸君。鼓隴胡者。不敢公言私咽語。相帝之初。京都童謡曰。城上烏。尾畢逋。父為吏。子為徒。一徒死。百乘車。車班班。入河間。河間姁女。工數錢。以錢為室。石上慊慊。春黃梁。梁下有懸鼓。我欲擊之。丞卿怒。按此皆謂為政貪也。城上烏。尾畢逋者。處高利。獨食

不與下共。謂人主多聚歛也。父為吏。子為徒者。言蠻夷將畔逆。父既為軍吏。其子又為卒。徒往擊之也。一徒死。百乘車者。言前一人往討胡。既

死矣。後又遣百乘車往。臣昭曰。志家此釋。豈未

乘其後。驗竟為靈。帝作此言。一徒似斥。桓帝帝

責任。群閹參委。機政左右。前後莫非。刑人有同

囚徒之長。故言一寄。一徒也。且又弟則廢黜。身無

嗣魁然。單獨非一。而何百乘車者。乃國之君。解

以犢後。班徵尤得。以類焉。車班班。入河間者。言上將

崩。乘輿班班。入河間。迎靈帝也。應劭釋此。句云

擁節也。入河間。姁女。工數錢。妖女。本作以錢為室。金

堂也。石上慙慙春黃梁者。言永樂雖積金錢。慙慙常苦不足。使人春黃而食之。梁下有懸鼓。我欲擊之。丞卿怒者。言永樂主教靈帝。使賣官受錢。所祿非其人。天下忠篤之士。怨望欲擊懸鼓。以求見丞卿。主鼓者亦復諂順。怒而止我也。

桓帝之初。京都童謠曰。游平賣印自有平。不辟豪賢及大姓。案到延熹之末。鄧皇后以譴自殺。乃以竇貴人代之。其父名武。字游平。拜城門校尉。及太后攝政。為大將軍。與太傅陳蕃合心勦力。惟德是建。印綬所加。咸得其人。豪賢大姓。皆絕望矣。

桓帝之末。京都童謠曰。茅田一頃中有井。四方纖纖

不可整。嚼復嚼。今年尚可後年饒。

風俗通作饒

案易

曰。拔茅茹以其彙。征吉。茅。喻群賢也。井者。法也。

時中常侍管霸等。專作威福。禁錮黨人。茅田一

頃者。言群賢衆多也。中有井者。言雖阨窮。不失

法度也。四方纖纖不可整者。言姦慝大熾。不可

整理。嚼復嚼者。京都飲酒相強之辭。言肉食者

鄙不恤王政。徒耽宴飲。歌呼而已也。今年尚可

言但禁錮。後年饒者。陳竇被誅。天下大壞。

桓帝之末。京都童謡曰。白蓋小車何延延。河間來合諧。河間來合諧。按解犢亭。屬饒陽河間縣。居無幾。桓帝崩。使者與解犢侯皆白蓋車從河間來。延延。衆貌也。

靈帝之末。京都童謡曰。侯非侯。王非王。千乘萬騎上北芒。案到中平六年。史佚登躡至尊。獻帝未有爵號。為中常侍段珪等數十人所執。公卿百官皆隨其後。到河上。乃得來還。此為非侯非王上

北芒者也。英雄記曰。京都謡歌。咸言河臘業進。獻帝臘日生也。風俗通曰。烏臘。業。進。按逆民。董卓滔天。虐民窮凶。極惡。關東舉兵。共誅之。轉相顧望。莫肯先進。處處停兵。數十萬。

若烏臘。蟲相。隨橫取之矣。

靈帝中平中。京都歌曰。承樂世。董逃遊四郭。董逃蒙

天恩。董逃帶金紫。董逃行謝息。董逃整車騎。董

逃垂欲發。董逃與中辭。董逃出西門。董逃瞻官

殿。董逃望京城。董逃日夜絕。董逃心摧傷。董逃

楊孚卓傳曰。案董謂董卓也。言雖拔扈。縱其殘

暴。終歸逃竄。至於滅族也。風俗通曰。卓以董逃

絕之。死者千數。靈帝之末。禮樂崩壞。賞刑失中。

毀譽無驗。競飾偽服。以盪典制。遠近翕然。咸名

後生。放聲者為時人。此天促其期也。其間無幾

曰俗人。今更曰時人。此天促其期也。其間無幾

獻帝踐祚之初。京都童謠曰。千里草。何青青。十日卜。不得生。案千里草為董。十日卜為卓。凡別字之體。皆從上起。左右離合。無有從下發端者也。今二字如此者。天意若曰。卓自下摩上。以臣陵君也。青青者。暴盛之貌也。不得生者。亦旋破亡也。獻帝初童謠曰。燕南垂。趙北際。中央不合大如礪。唯有此中可避世。公孫瓚以為易地當之。遂徙鎮焉。乃大修城。積穀以待天下之變。建安二年。袁紹攻瓚。大敗。縊其姊妹妻子。引火自焚。紹兵趣登臺。斬之。初瓚破黃巾。殺劉虞。乘勝南下。侵據齊地。雄威大振。而不能開廓遠圖。欲以堅城觀時。坐聽圍戮。斯亦自易地而去世也。

建安初。荆州童謠曰。八九年間始欲衰。至十三年無

子遺。言自中興以來。荆州無破亂。及劉表為牧。又豐樂。至此建八九年。當始衰者。謂劉表妻當死。諸將並零落也。十三年無子遺。言十三年表又當死。民當移詣冀州也。于寶搜神記曰。是時云有大喪。言語過差。縣以為妖。言繫獄百餘日。忽於獄中哭曰。劉荆州今日死。華容去州數日。即遣馬吏驗視。表果死。縣乃出之。續又歌吟曰。不意李立為貴人。後無幾。曹公平荆州。以涿郡李立字建賢為荆州刺史。

魏明帝太和中。京師歌。兜鈴曹子。其唱曰。其柰汝曹

何。此詩妖也。其後曹爽見誅。曹氏遂衰。

景初。童謠曰。阿公阿公。駕馬車。不意阿公東渡河。

阿公來還當柰何。及宣帝遼東歸至白屋。當還鎮長安。會帝疾篤。急召之。乃乘追鋒車東渡河。終如童謠之言。

齊王嘉平中。有謠曰。白馬素羈西南馳。其誰乘者朱虎騎。朱虎者。楚王小字也。王凌令狐愚聞此謠。謀立虜。事發。凌等伏誅。虜賜死。

吳孫亮初。童謠曰。吁汝恪。何若若。蘆葦單衣箴鉤絡。於何相求。常子閣。常子閣者。反語石子垆也。鉤絡。鉤帶也。及諸葛恪死。果以葦席裹身。箴束其腰。投之石子垆。後聽恪故吏收斂。求之。此垆云。

孫亮初。公安有白鼃。

徒何反鳴。童謠曰。白鼃鳴。龜

背平。南郡城中可長生。守死不去。義無成。南郡城。可長生者。有急易以逃也。明年諸葛恪敗。弟融鎮公安。亦見襲。融刮古剎反金印。龜服之而死。鼃有鱗介。甲兵之象。又白。祥也。

孫休永安二年。將守質子。群聚嬉戲。有異小兒。忽來言曰。三公鋤。司馬如。又曰。我非人。熒惑星也。言畢上昇。仰視若曳一疋練。有頃沒。于寶曰。後四年而蜀亡。六年而魏廢。二十一年而吳平。於是九服歸晉。魏與吳蜀並戰國。三公鋤。司馬

文獻通考卷三百九
九
如之謂也

孫皓遣使者祭石印山下妖祠。使者因以丹書
岩曰。楚九州渚。吳九州都。揚州士作天子。四世
治太平矣。皓聞之。意益張。曰。從太皇帝至朕四
世。太平之主。非朕復誰。恣虐踰甚。尋以降亡。近
詩妖也。

孫皓天紀中童謠曰。阿童復阿童。銜刀游渡江。
不畏岸上獸。但畏水中龍。武帝聞之。加王濬龍
驤將軍。及征吳江西。衆軍無過者。而王濬先定
秣陵。

晉武帝太康元年。平吳後。江南童謠曰。局縮肉。數橫
目。中國當敗。吳當復。又曰。宮門柱。且莫朽。吳當
復。在三十年後。又曰。雞鳴不拊音撫翼。吳復不用
力。于時吳人皆謂在孫氏子孫。故切發為亂者
相繼。案橫目者四字。自吳亡至元帝興。幾四十
年。元帝興於江東。皆如童謠之言焉。元帝懦乃亂
反本而少斷。局縮肉者。有所斥也。

太康末。京洛為折楊柳之歌。其曲始有兵革苦辛之
辭。終以擒獲斬截之事。是時三楊貴盛而被族
滅。太后廢黜。幽死中宮。折楊柳之應也。

惠帝永熙中。河內温縣有人如狂。造書曰。光光文長。大戟為墻。毒藥雖行。戟還自傷。又曰。兩火沒地。哀哉秋蘭。歸形街郵。終為人歎。及楊駿居內府。以戟為衛。死時。又為戟所害傷。楊后被廢。賈后絕其膳。八日而崩。葬街郵亭北。百姓哀之也。兩火。武帝諱。蘭。楊后字也。其時又有童謠曰。二月末三月初。荆筆楊板。行詔書。宮中大馬。幾作驢。此時楊駿專權。楚王用事。故言荆筆楊板二人。不誅。則君臣禮悖。故云幾作驢。

元康中。京洛童謠曰。南風起。吹白沙。遙望魯國何嗟。

反昨何峨。五歌反千歲。獨婁二音生齒牙。又曰。城東

馬子莫隴。盧紅反啣音凶比。至來年。纏汝髮。南風賈

后字也。白。晉行也。沙門太子小名也。魯賈謚國

也。言賈后將與謚為亂。以危太子。而趙王因釁

咀。慈呂反嚼。在爵反豪賢。以成篡奪。不得其死之應

也。

元康中。天下商農通著太郭。諸良反日時童謠曰。屠塗音

蘇郭。日覆兩耳。當見瞎。許轄反兒作天子。及趙王

倫篡位。其目實眇焉。趙王倫既篡洛中。童謠曰。

獸從北來。鼻頭汗。龍從南來。登城看。水從西來。

河灌灌。數月而齊王成都河間義兵同會誅倫。案成都西藩而在鄴。故曰獸從北來。齊東藩而在許。故曰龍從南來。河間水源而在關中。故曰水從西來。齊留輔政居于宮西。又有無君心。故言登城者也。

太安中童謠曰。五馬游渡江。一馬化為龍。後中原大亂。宗藩多絕。唯琅邪汝南西陽南頓彭城同至江東。而元帝嗣統矣。司馬越還洛。有童謠曰。洛中大鼠長尺二。若不早去。大狗至。及苟晞將破汲桑。又謠曰。元超兄弟大落度。上桑打樵為苟

作。由是越惡晞。奪其兗州隙。難逐構焉。

愍帝初。有童謠曰。天子何在豆田中。至建興四年。帝降劉曜。在城東豆田壁中。

建興中。江南謠歌曰。訇呼宏反如白坑破。合集持作甌

音武揚州破。換敗吳興覆。甌音部甌盧斗反案白者。晉

行。坑器有口。屬甕瓦甕質剛。亦金之類也。訇如

白坑破者。言二都傾覆。王室大壞也。合集持作

甌者。元帝鳩集遺餘。以主社稷。未能克復中原。

但偏王江南。故其諭也。及石頭之事。六軍大潰。

兵人抄掠京邑。爰及二宮。其後三年。錢鳳復攻

京邑阻水而守。相持月餘日。焚燒城邑。并堙陷。木開矣。鳳等敗退。沈充將其黨還吳興。官軍踵之。蹈藉郡縣。充父子授首。黨與誅者以百數。所謂揚州破。換敗吳興。覆瓿瓿。瓦器。又小於甒也。

明帝太寧初。童謠曰。惻惻力力。放馬山側。大馬死。小馬餓。高山崩。石自破。及明帝崩。成帝幼。為蘇峻所逼。遷于石頭。御膳不足。此大馬死。小馬餓也。高山。峻也。又言峻尋死。石。峻弟蘇石也。峻死後。石據石頭。尋為諸公所破。復是崩山石破之應也。

成帝之末。又有童謠曰。噐噐反苦蓋。何隆隆。駕車入梓宮。少日而宮車晏駕。

咸康二年。十二月。河北謠云。麥入土。殺石武。後如謠言。

庾亮初鎮武昌。出至石頭。百姓於岸上歌曰。庾公上武昌。翩翩如飛鳥。庾公還揚州。白馬牽旒旒。又曰。庾公初上時。翩翩如飛鳥。庾公還揚州。白馬牽旒旒。後連徵不入。及薨於鎮。以喪還都葬。皆如謠言。

穆帝升平中。童兒輩忽歌於道曰。阿子聞曲終。輒云。阿子汝聞不。無幾而帝崩。太后哭之曰。阿子汝聞不。

升平末。俗間忽作廉歌。有扈謙者聞之曰。廉者臨也。歌云。白門廉宮庭。廉內外悉臨。國家其大諱乎。少時而穆帝晏駕。

哀帝隆和初。童謠曰。升平不滿斗。隆和那得久。桓公入石頭。陛下徒跣走。朝廷聞而惡之。改年曰興寧。人復歌曰。雖復改興寧。亦復無聊生。哀帝尋崩。升平五年而穆帝崩。不滿斗。升平不至十年。

也

海西公太和中。百姓歌曰。青青御路楊。白馬紫遊韁。汝非皇太子。那得甘露漿。識者曰。白者。金行馬者。國族紫為奪正之色。明以紫間朱也。海西公尋廢。其三子並非海西公之子。縊以馬韁。君良反。死之。明日南方獻甘露焉。

太和末童謠曰。犁牛耕御路。白門種小麦。及海西公被廢。百姓耕其門以種小麦。遂如謠言。

海西公初生皇子。百姓歌云。鳳凰生一雛。天下莫不喜。本言是馬駒。今定成龍子。其歌甚羨。其旨甚

微海西公不男。使左右向龍與內侍接生子以
為已子。

桓石民為荊州鎮上明。百姓忽歌曰。黃曇音子。曲中

又曰。黃曇英。揚州大佛來上明。頃之而桓石民

死。王忱反氏林為荊州黃曇子。乃是王忱字也。忱

小子佛大。是大佛來上明也。

孝武帝太元末。京口謠曰。黃雌雞。莫作雄父啼。一旦

去毛衣。衣被拉颯。上盧合反。下蘇合反。栖尋而王恭起兵

誅王國寶。旋為劉牢之所敗。故言拉颯栖也。

會稽王道子於東府造土山。名曰靈秀山。無幾而孫

恩作亂。再踐會稽。會稽道子所封靈秀恩之字

也。

庾楷鎮歷陽。百姓歌曰。重羅黎。重羅黎。使君南上無

還時。後楷南。殷仲堪在荊州。童謠曰。芒籠目。繩

縛腹。殷當敗。桓當復。未幾而仲堪敗。桓玄遂有

荊州

王恭鎮荊口。舉兵誅王國寶。百姓謠云。昔年食白飯。

今年食麥麩。音乎天公誅適汝。教汝捻乃反。隴喉。

隴喉喝。於介反。嘶聲。復喝。京口敗復敗。識者曰。昔年

食白飯。言得志也。今年食麥麩。麩麩麩穢。其精已

去。明將敗也。天公將加譴譴而誅之也。捨寵。喉氣不通。死之祥也。敗復敗。丁寧之辭也。恭尋死。京都。又大行歎疾而喉並喝馬。

王恭在京口。百姓間忽云。黃頭小兒欲作賊。阿公在城下指縛得。又云。黃頭小人欲作亂。賴得金刀作蕃杆。黃字上恭字頭也。小人恭字下也。尋如謠言者焉。

安帝隆安中。百姓忽作懊懷

上烏浩反。下奴浩反。

之歌。其曲曰。

草生可攬結。女兒可攬擷。尋而桓玄篡位。義旗以三月二日埽定京都。誅之。玄之宮女及逆黨

之家子女。妓妾。悉為軍賞。東及歐越。北流淮泗。皆人有所獲。故言時則草可結。事則女可擷也。

桓玄既篡。童謠曰。草生及馬腹。烏啄反丁角桓玄

目。及玄敗。走至江陵。時正五月中。誅如其期焉。

安帝義熙初。童謠曰。官家養盧龍。化為荻。徒歷反盧生不

止自成積。其時官養盧龍。寵以金紫。奉以名州。

養之極也。而龍不能懷我好音。舉兵內伐。遂成

讎敵也。蘆生不止自成積。及盧龍之敗。斬伐其

黨。猶如草木以成積也。盧龍據廣州。人為之謠

曰。蘆生漫漫竟天半。後擁上流數州之地。內逼

京輦應天半之言

義熙三年。小兒相逢於道。輒舉其兩手曰。盧健健。次曰。闔嘆闔嘆。末曰。翁年老。翁年老。當時莫知所謂。其後盧龍內逼舟艦。胡黠反蓋川健健之謂也。既至查浦。屢剋期。欲與官闔。闔嘆之應也。

昔溫嶠令郭景純卜。已與庾亮吉凶。景純云。元吉。嶠語亮曰。景純每筮。是不敢盡言。吾等與國家同安危。而曰元吉。是事有成也。於是協同討滅王敦。翁年老。群公有期頤之慶。知妖逆之徒。自然消殄也。其時復有謠言曰。盧橙橙。直耕反逐水流。

東風忽如起。那得入石頭。盧龍果敗。不得入石頭也。

符生時。長安謠曰。東海大魚化為龍。男便為王女為公。問在何所。洛門東。生誅其侍中太師。魚遵及其子孫。後符堅殺生而代之。堅封東海。時為龍驤將軍。第在洛門東。

苻堅初。童謠曰。阿堅牽連三十年。後若欲敗時。當在江湖邊。及堅在位。凡三十年。敗於淝水。是其應也。又謠語云。河水清。復清。苻詔死新城。及堅為姚萇所殺於新城。復謠歌云。魚羊田斗當。

滅秦。識者以當魚羊鮮也。田斗卑也。堅自號秦。言滅之者鮮卑也。其群臣諫堅令盡誅鮮卑。不從。及淮南敗還。初為慕容冲所攻。卒為姚萇所殺。

梁武帝天監三年六月八日。武帝講於重雲殿。沙門誌公忽然儻歌樂。須臾悲泣。因賦五言詩。樂哉三十餘。悲哉五十裏。但看八十三。子地祲災起。佞臣作欺妄。賊臣滅君子。若不信吾語。龍時候賊起。且至馬中間。銜悲不見喜。梁自天監至於大同三十餘年。江表無事。至太清二年。臺城陷。

帝享國四十八年。所言五十裏也。太清元年八月十三而侯景自懸瓠來降。在丹陽之北子地。帝惑朱异之言以納景。景之作亂始自戊辰之歲。至午年帝憂崩。

十年四月八日。誌公於大會中。又作詩曰。兀尾狗子始着狂欲死。不死齧人傷。須臾之間自滅亡。患在汝陰死三湘。橫尸一旦無人藏。侯景小字狗子。初自懸瓠來降。懸瓠則古之汝南也。巴陵南有地名三湘。即景奔敗之所。

天監中。茅山隱士陶弘景為五言詩曰。夷甫任散誕。

平叔坐談空。不言昭陽殿。忽作單于宮。及大同之季。公卿唯以談玄為務。夷甫平叔朝賢也。侯景作亂。遂居昭陽殿。

大同中童謠曰。青絲白馬壽陽來。其後侯景破丹陽。乘白馬。以青絲為羈勒。

陳初有童謠曰。黃班青驄馬。發自壽陽矣。來時冬氣末。去日春風始。其後陳主果為韓擒虎所敗。擒本名擒獸。黃班之謂也。破建康之始。復乘青驄馬。往反時節皆相應。

陳時江南盛歌王獻之桃葉之詞。桃葉復桃葉。度江不用楫。但度無所苦。我自迎接汝。晉王伐陳之始。置營桃葉山下。及韓擒虎渡江。大將任蠻奴至新林。以導北軍之應。

陳後主造齊雲觀。國人歌之曰。齊雲觀。寇來無際畔。功未畢。而為隋師所虜。

禎明初。後主作新歌。詞甚哀怨。令後宮美人習而歌之。其辭曰。玉樹後庭花。花開不復久。時人以歌讖。此其不久兆也。後主在東宮時。有婦人突入。唱曰。畢國主。有鳥一足。集其殿庭。以嘴畫地成文。曰。獨足上高臺。盛草變為灰。欲知我家處。朱

門當水開。解者以為獨足者。蓋指後主獨行無
衆。盛草言荒穢。隋承火運。草得火而灰。及至京
師。與家屬館於都水臺。所謂上高臺當水也。其
言皆驗。梁末童謠云。可憐巴馬子。一日行千
里。不見馬上郎。但見黃塵起。黃塵汗人衣。阜莢
相料理。及僧辨滅。群臣以謠言奏聞。曰。僧辨本
乘巴馬以擊侯景。馬上郎。王字也。塵謂陳也。而
不解阜莢之謂。既而陳滅於隋。說者謂江東謂
殺羊角為阜莢。隋氏姓楊。楊羊也。言終滅於隋
云。

齊神武始移都於鄴。時有童謠云。可憐青雀子。飛入
鄴城裏。作窠猶未成。舉頭失鄉里。寄書與婦母。
好看新婦子。魏孝靜帝者。清河王之子也。后則
神武之女。鄴都宮室未備。即逢禪代。作窠未成
之効也。孝靜尋崩。文宣以后為太原長公主。降
於楊愔。時婁后尚在。故言寄書於婦母。新婦子
斥后也。

武定中有童謠云。百尺高竿。摧折水裏。燃燈澄滅。高
者齊姓也。澄文襄名。五年神武崩。摧折之應。七
年文襄遇盜所害。澄滅之徵也。

天保中。陸法和入國書其屋壁曰。十年天子為尚可。百日天子急如火。周年天子迭代坐。時文宣帝享國十年而崩。廢帝嗣立百餘日。用替厥位。孝昭即位一年而崩。此其効也。又童謠曰。一束藁兩頭然。河邊殺獍飛上天。藁然兩頭。於文為高。河邊殺獍。為水邊洋。指文宣明也。

武平元年。童謠曰。狐截尾。你欲除我。我除你。其年四月。隴東王胡長仁謀遣刺客殺和士開。事露。返為士開所譖死。

二年。童謠曰。和士開。七月三十日。將你向南臺。小兒唱訖。一時拍手云。殺却。至七月二十五日。御史中丞琅邪王儼。執士開送於南臺而斬之。是歲又有童謠曰。七月刈禾傷早。九月吃饅正好。十月洗蕩飯糞。十一月出却趙老。七月。士開被誅。九月。琅邪王遇害。十一月。趙彥深出為西兗州刺史。

武平末。童謠曰。黃花勢欲落。清罇但滿酌。時穆后母子淫僻。干預朝政。時人患之。穆后小字黃花。尋逢齊亡。欲落之應也。

鄴中又有童謠曰。金作掃帚。玉作杷。淨掃殿屋迎西

家未幾周師入鄴

周初有童謠曰。白楊樹頭金鷄鳴。祇有阿舅無外甥。靜帝。隋氏之甥。既遜位而崩。諸舅強盛。

周宣帝與宮人夜中連臂蹋蹄而歌曰。自知身命促。把燭夜行遊。帝即位二年而崩。

隋開皇十年。高祖幸并州。宴秦孝王及王子相。帝為四言詩曰。紅顏詎幾。玉貌須臾。一朝花落。白髮難除。明年後歲。誰有誰無。明年而子相卒。十八年而秦孝王薨。

大業十一年。煬帝自京師如東都。至長樂宮飲酒大

醉。因賦五言詩。其卒章曰。徒有歸飛心。無復因風力。令美人再三吟詠。帝泣下霑襟。侍御者莫不欷歔。帝因幸江都。復作五言詩曰。求歸不得去。真成遭箇春。鳥聲爭勸酒。梅花笑殺人。帝以三月被弑。即遭春之應也。是年盜賊蜂起。道路隔絕。帝懼。遂無還心。帝復夢二豎子歌曰。住亦死。去亦死。未若乘舡度江水。由是築宮丹陽。將居焉。功未就而帝被殺。

大業中童謠曰。飛李子。鴻鵠遶陽山。宛轉花林裏。莫浪語。誰道許。其後李密坐楊玄感之逆。為吏所

拘在路逃叛。潛結群盜。自陽城山而來。襲破洛口倉。後復屯兵苑內。莫浪語。密也。宇文化及自號許國。尋亦破滅。誰道許者。蓋驚疑之亂也。

唐竇建德未敗時。有謠曰。豆入牛口。勢不得久。貞

觀十四年。交河道行軍大總管侯君集伐高昌。先是其國中有童謠曰。高昌兵馬如霜雪。漢家兵馬如日月。日月照霜雪。回首自消滅。永徽後。民歌武媚娘曲。調露初。京城民謠有側堂堂之言。太常丞李嗣真曰。側者不正。橈者不安。自隋以來。樂府有堂堂曲。再言堂者。唐再受命

之象。永淳九年。七月。東都大雨。人多殍殍。先是童謠曰。新禾不入箱。新麥不入場。迨及八九月。狗吠空垣墻。高宗自調露中。欲封嵩山。屬突厥叛而止。後又欲封。以吐蕃入寇。遂停。時童謠曰。嵩山凡幾層。不畏登不得。但恐不得登。三度徵兵馬。傍道打騰騰。永徽末。里歌有桑條韋也。女時韋也。樂龍朔中。時人飲酒。令曰。子母相去離。連臺拗倒。俗謂杯盤為子母。又名盤為臺。又里歌有突厥鹽。永淳後。民歌曰。楊柳漫頭駝。垂拱後。東都有契苾兒歌。皆淫豔之詞。契苾。張

易之小字也。如意初。里歌曰。黃麀黃麀。草裏
藏。彎弓射尔傷。其後王孝傑敗於黃麀谷。神
龍以後。民謠曰。山南烏鵲窠。山北金駱駝。鑿柯
不鑿孔。斧子不施柯。山南唐也。烏鵲窠者。人居
寡也。山北胡也。金駱駝者。虜獲而重載也。安
樂公主於洛州造安樂寺。童謠曰。可憐安樂寺。
了了樹頭懸。景龍中。民謠曰。黃牸犢子晚。紉斷
兩足踏地鞣。羸斷城南黃牸犢子韋。又有阿緯
娘歌。時又謠曰。可憐聖善寺。身著綠毛衣。牽來
河裏飲。踏殺鯉魚兒。玄宗在潞州。有童謠曰。

羊頭山北作朝堂。天寶中。有術士李遐周。於
玄都觀院廡間為詩曰。燕市人皆去。函關馬不
歸。人逢山下鬼。環上繫羅衣。而人皆不悟。近詩
妖也。又祿山未反時。童謠曰。燕燕飛上天。天
上女兒鋪白氈。氈上有千錢。時幽州又有謠曰。
舊來誇戴竿。今日不堪看。但看五月裏。清水河
邊見契丹。德宗時。或為詩曰。此水連涇水。雙
眸血滿川。青牛逐朱虎。方號太平年。近詩妖也。
朱泚未敗前。兩月有童謠曰。一隻筋。兩頭朱。五
六月化為胆。元和初。童謠曰。打麥打麥。三三

三。乃轉身曰。無了也。大中末。京師小兒疊布
漬水。紐之。向日謂之曰。拔暈。咸通七年。童謠
曰。草青青。被嚴霜。鵲始後。看顛狂。十四年。成
都童謠曰。咸通癸巳。出無所之。蛇去馬來。道路
稍開。頭無片瓦。地有殘灰。是歲。歲陰在巳。明年
在午。巳。蛇也。午。馬也。僖宗時。童謠曰。金色蝦
蟆爭弩眼。翻却曹州天下反。乾符六年。童謠
曰。八月無霜寒。草青。將軍騎馬出空城。漢家天
下西巡狩。猶向江東更索兵。中和初。童謠曰。
黃巢走。泰山東。死後翁家翁。

宋皇祐中。廣源蠻酋儂智高反。陷邕州。時謠言曰。農
家種。糴家收。後宣徽使狄青討平之。

紹興中。鼎澧劇盜夏誠。劉衡。二砦。據險不可破。二盜
有口占。末云。除是飛過洞庭湖。後卒為岳飛所
破。

二年。李綱帥長沙道。過建寧。有僧宗本。題于邑治之
壁曰。東燒西燒。日月七七。後數日。江西盜李敦
仁入。竟焚其邑。乃七月七日也。

二十五年。春。秦熈謁告建康。游茅山。題詩板。揭于華
陽觀梁間。是晚視之。其側隱隱有白字。可識。末

云榮華富貴三春夢。顏色馨香一土堆。是冬檜
死

淳熙中。河決入汴梁。宋間為之語曰。黃河災。天水來。
天水國姓也。遺黎以為恢復之兆。時淮西競歌
汪秀才曲曰。騎驢渡江。過江不得。又為獠舞以
和之。後舒城狂生汪格謀不軌。州兵入其家縛
之。其子拒殺。聚惡少數千為亂。聲言渡江。事平。
格亦伏誅

七年正月行都餘杭門外墻壁有詩言曰。頗涉恠。後
廉得主名。杖遣之。主管城北廂劉君暨以失察

異言坐削秩。其詩不錄


淳熙十四年。都城市井歌曰。汝亦不來我家。我亦不
來汝家。流傳四方。莫詳其指。過紹熙二三年。其
事始應于兩宮

紹熙三年。都城市井有取程頤語錄語雜以穢褻。盛
行于市。朝廷知而禁之。後三年。偽學之禍乃作。
嘉定三年。都城市井作歌詞。末皆曰。東君去後花無
主。朝廷惡而禁之。未幾。景獻太子薨。淳熙末。
上以恢復之占。訪莎衣道人何者。何授以歌詞。
末云。胡孫死。鬧啾啾。也須還我一百州。後金酋

葛王死。其孫璟立。不以序。諸酋爭立。內亂。志士以撫機為惜。慶元四年三月甲辰。有郵笥置詩。謠達御前者。上諭宰臣究其事。詩亦不錄。嘉泰四年。越人盛歌鐵彈子白塔湖曲。是冬有盜金十一者。號鐵彈子。聚眾剽掠。不可制。賊黨稍平。謬傳其鬪死白塔湖中。帥臣以聞。後覆出。獲之。諸暨縣始就僇。開禧二年。鄂州民謠。塞上將軍少。城南從事多。宣威不可問。恢復竟如何。時權臣開邊。鄂為宣撫使。置司多辟親故。幕賓聚城南。為酣縱云。

文獻通考卷三百九

Blank columns for text within the main frame.



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637